

南北兩宋誌傳

一二

共十本

内閣文庫		
番號	漢	3255
冊數	10 ( 1 )	
函號	308	247



綴じ部(喉部分)の文字など開きが不鮮明な箇所あり





全像西宋

南北誌傳

三台館梓行

教

以

南北宋傳序

文庫


史以載子傳信如麟經史澤定

錄於蜀年重勸與於東禱並

傳心於臣第正史子係

切大社乃如若為後文

三職細之職名改載之據負字



南北宋傳序一



况異之能不能得性事性性勢  
不得不略也趙宋先者於汴清原  
不統運而海濱生國勢之隆替  
是取之強弱收村之良窳工之  
坐位昭之淫探皆名一以法鑒也  
昔大率先生建邑之博治士也  
孫覽君亦涉樵法其乃綜核宋  
子彙成一書名曰宋兩傳演  
義子取生者取明以便士民  
觀覽一生用力名勤生是彙也  
陸公案之亦案亦朝年陸公傳  
而不事亦正能月以傳之古性法



戒可也皆法史澤之德旨麟經

聖教垂於世如至寶存身何

古山人

全像按鑑演義南北兩宋志傳目錄

# 南宋

一卷

●起唐明宗天成元年丙戌歲至唐廢帝清泰二年丙申歲

董節度應識與王 石敬瑭發丘征蜀 李潞王汴京稱帝

石敬瑭領鎮河東 知遠建議與王策 敬瑭奉使入契丹

契丹大戰高行周 唐王下詔議親征 趙德鈞迎降契丹

石敬瑭兵入大梁

二卷



●起唐靖泰三年丙申歲至晉開運二年乙巳歲

石敬瑭汴成慶兵 劉智遠大破曹恩 范延光拒守晉陽

桑維翰上治安表 劉知遠平定鎮州 景延廣拒命契丹

皇甫遇大戰遼兵 安審琦毀圍破敵 杜威會眾戰契丹

晉王遣使通和約

三卷

●起晉開運三年乙巳歲至天福十三年丁未歲

皇甫遇慷慨死節 景延廣計罪受誅 劉知遠勤王舉義

郭彥威領鎮魏州 南唐王進貢女樂 大漢橋 郭思賣弓

馮益兵圍日馬寺 匡胤大鬧御構欄 王奇獄裡救匡胤

大舍途中遇柴榮

四卷

●起漢天福十三年至漢乾祐元年戊申歲

大舍途中打董達 匡胤華山訪陳搏 崔延廣征討劇賊

趙匡胤投進鳳翔 鄭恩激怒打韓昇 匡胤教場闖蔡順

鄭彥威城下慶兵 趙匡胤絳州闔武 匡胤酒館遇鄭恩

大郎投赦入汴京

五卷

●起漢乾祐二年己酉歲至漢乾祐三年庚戌歲

趙匡胤偷飲御酒 李令公澶州募兵 三姑智賺趙匡胤



鄭恩大破鉄鹿賊 蘇逢吉擅權秉政 費博古課决吳王  
高辛周滑城鏖戰 史彥超封丘大戰 漢后主縊死佛寺  
郭彥威兵變滑州

六卷

●起周太祖廣順元年辛亥歲至周世宗顯德元年甲寅歲  
薛王怒斬李少尹 劉崇遣使結契丹 藥元福大破遼兵  
周太祖新征兗州 契丹主舉兵入寇 周太祖怒貶王峻  
柴榮澶州會巨亂 太祖南郊祭箕星 世宗下議往河東  
懷德智取天井關

七卷

●起周世宗顯德元年甲寅歲至周世宗顯德二年乙卯歲  
周世宗高平鏖兵 趙匡胤追襲劉宗 契丹射死史彥超  
單珪智困趙匡胤 神妃托夢周世宗 鄭恩部衆劫北營  
馮益議救高懷德 楊業水計渙周兵 五台山楊業參禪  
張藏英大破遼兵

八卷

●起周世宗顯德二年乙卯歲至周世宗顯德三年丙辰  
周世宗議征西蜀 趙匡胤應用軍餉 向訓智取黃花谷  
蜀王致書周世宗 趙匡胤議伐南唐 李重進智勝唐師  
馬全義徐州大戰 韓令坤平定揚州 高瓊大戰岑婁景



永德義結李重進

九卷

●起周世宗顯德四年丁巳歲至宋太祖建隆元年庚申歲

李重進大戰秦州 劉仁瞻慷慨盡忠 趙匡胤兵度渙水

周世宗平定南唐 匡胤諫立東宮 鄭恩火燒賞花樓

符呈姨彩樓招親 趙匡胤陳喬兵變 崇元殿宋祖受禪

潞州城鄭恩戰沒

十卷

●起宋太祖建隆元年庚申歲至宋太祖開寶八年乙亥歲

宋太祖議征青州 諸藩鎮辭解兵權 處雲奇計定荆南

太祖雪夜訪趙普 曹英大戰瓊州城 同訓兵取金牛嶺

王全斌平定西蜀 潘仁美進取南漢 宋宗賜宴符劉錕

曹彬誓衆定江南

# 北宋

十一卷

●起宋太祖開寶八年乙亥歲至宋太宗改元太平丙子歲

北漢主屏遂忠臣 呼延贊激烈報仇 李建忠力救義士

呼延贊夢神教武 金頭娘征場鬪藝 高懷德大戰潞州

講和議陽業回兵 迎鑾駕豪傑施能 宋太祖遺囑後事



潘兵美計逐英雄

十二卷

起宋太宗太平興國二年可丑歲至宋太宗興國四年己卯歲

潘仁美奉詔宣召 呼延贊單馬救駕 北漢主議守河東

呼延贊力擒敵將 建忠議取接天關 大遼出兵救晉陽

郭進大破耶津沙 劉鈞刺書召楊業 八王進獻反間計

光美奉使說楊業

十三卷

起宋太宗太平興國四年己卯歲至宋太宗雍熙三年丙戌歲

小聖感夢取太原 太宗下議大遼 高懷德幽州大戰

宋太宗班師還汴 李漢漫智勝番將 楊令公大破遼衆

驍將士趙普辭官 宴群臣宋琪賦詩 曹彬兵征大遼

懷德戰死岐溝關

十四卷

起宋太宗雍熙四年丁亥歲至宋太宗淳化二年辛卯歲

太宗駕幸五臺山 淵平戰死幽州城 宋太宗議征北番

柴太郡奏保楊業 呼延贊大戰遼兵 李陵碑楊業死節

瓜州營七郎遭射 胡原谷六使遇救 六使汴京告御狀

王欽定計圖八王

十五卷



●起宋太宗至道元年乙未歲至宋真宗咸平二年己亥歲

宋名臣辭官解印 蕭太后議圖中原 楊家將晉陽鬪武

楊郡臣領鎮三關 樵夫詭計捉孟良 六使單馬收焦贊

孟良智盜驍驍馬 岳勝大戰蕭天右 五臺山孟良借兵

三關寨五郎觀象

十六卷

●起宋真宗咸平三年庚子歲至宋真宗咸平六年癸卯歲

九妹女誤陷幽州 楊延德大破番兵 樞密計傾無佞府

金吾勢毀天波樓 焦贊怒殺謝金吾 八王智救楊郡馬

宋君臣魏州看景 王全節銅臺交兵 八王賢詔求六使

焦贊大鬧陳家庄

十七卷

●起宋真宗景德二年乙巳歲至宋真宗大中祥符四年真咸歲

呼延贊途中遇救 楊郡馬大破遼兵 蕭太后出榜募兵

王全節兵征大遼 呂軍師布南天陣 楊六使明丁三關

宗保遇神授兵法 真宗出榜募賢人 孟良偷回白驥馬

宗保佳木桂英

十八卷

●起宋真宗大中祥符五年壬子歲至宋真宗大中祥符八年乙卯歲

宗保部衆看天陣 真宗築壇封將師 黃瓊女反殺宋營



木桂英破陣救苦 宗保議攻迷魂陣 五郎降伏蕭天左  
朱真宗下詔班師 王樞密進用反計 八殿下三關借兵  
衆英雄九龍鬪武

十九卷

●起宋真宗大中祥符九年丙辰歲至宋真宗天禧元年乙巳  
楊延期付應糧草 八娘子大戰番陣 楊郡馬議取北境  
重陽女大鬧幽州 平大遼南將班師 頒官誥大封功臣  
六使議取令入骸 孟良誤殺焦光贊 禁宮中八王祈斗  
無佞府郡馬命終

二十卷


●起宋真宗天禧二年戊午歲至宋真宗乾興元年壬戌歲  
鞞鞞國議舉伐宋 楊宗保兵征西夏 東天神大戰宋將  
白聖將陣斬張達 楊宗保困囉金山 周夫人力主救兵  
楊宗保平地西夏 十二婦得勝回朝

目錄畢

七



明宗升殿



文武朝見

新刻全像按鑑演義南宋志傳卷之二

雲間 眉公 陳繼儒 編次  
潭陽 書林 三台館 梓行

起唐明宗天成年丙戌歲凡四國  
三領至書  
清泰三年丙申歲  
首尾凡十一年事實

唐自關中起義兵

傳至周宗天下亂

君臣國祚不長久

陵遷委國付後唐

朝堂衣紫多奸佞

監軍主將每驕功

勇士負勞恨不平

乾坤一統值昇平

梁王龍陛一朝昇

傳位二世難自守

帝號莊宗臨宇宙

封疆歲歲刀兵競

驅發征行遭殺盡

轅門交手皆亡命



敬瑭兄弟



洛州遊獵

敬瑭兄弟

一朝叛將奪主權  
東蕩西除石敬瑭  
斯須傳位二世亡  
屹起英雄劉智遠  
乘時至是登帝基  
一年嗣位傳承訓  
屏賢親佞郭威奪  
近來天統惟二載  
傷哉世界似瓜分  
休明宋運太祖興  
傳至太宗昭至化  
文臣施令清河鏡  
詞終此傳仔細看

奮激滅唐為後晉  
畫謀決策桑維翰  
殘破山河歸後漢  
先嘗事晉威名烜  
跳梁契丹被逐遣  
二帝天下共四秋  
朝野謳歌又屬周  
社稷彫零又更改  
城郭人民如瓦解  
一掃群雄天下平  
真宗承代賢良盛  
武將撥兵藩鎮領  
高賢有親文墨黃

董節度應識興王

石敬瑭募兵征蜀

話說晉高祖姓石名敬瑭其父名曰臬猴鷄出於西夷自朱  
邪歸唐從晉王李克用征伐有功官至洛州刺史生下敬瑭  
面如重棗耳圓額闊識者知其有大貴之相敬瑭年方十歲  
聰明過人尤好武藝走馬射箭他人不能及矣一日值初秋  
天氣出獵在洛州城南教場中與兄石敬儒比較走馬忽見  
空中有鴈孤飛昔日杜工部曾有詩詠這孤鴈道

孤鴈不飲啄 飛鳴聲念群 誰憐一片影  
相失萬重雲 望盡如猶見 哀多如更聞  
野鴉無意緒 啼噪自紛紛

敬瑭見這孤鴈與兄誓曰我二人各放一箭射中翼翅者為  
勝誓訖但見二人拽起弓如滿月放去箭似流星石郎一箭  
正射中那鴈左翼敬儒一箭亦射中那鴈頸上二人共爭勝

放箭射鴈





敬瑭捉狼



回見武沒

敗敬儒曰我與你二人皆射中何必分其糜翼翅敬瑭曰未射之先有誓說過射中翼者為勝敬儒不服二人相爭起來被敬瑭揮起一鞭失手將敬儒當門兩齒打落眾人齊向前勸開敬儒怒回報知父親去了敬瑭恐父見罪不敢回去就場中逕逃出汾州地界不數日來到榆林村見路傍有禹王廟敬瑭進入廟中祈筭遇一人姓姜名武沒亦是軍家出身見敬瑭生的異相收留在家中使喚一日交敬瑭去牧羊敬瑭向草野中將羊隨大小排做兩陣喝令羊鬪羊便以角自相抵觸各求勝負不失班次武沒密地見之自思此人必非等閑人也忽一日一羊被狼獸所噬敬瑭直跳上狼背騎着救了那羊回來而又搏得生狼歸獻姜武沒武沒見了大喜因謂之曰汝有如此氣力何不學些武藝以取功名莫自可惜了敬瑭曰小人幼年曾學走馬射箭武藝已通曉武沒曰

速魯敬瑭



走馬比勢

汝既曉武藝我令兒子阿速魯與你兩個比試石郎應諾武沒分付牽過兩疋好馬付與盛甲軍器明日在郊外兩個比試阿速魯打扮出來十分雄勇頭戴一頂金水鍍的明盔身披一副銀片砌的鎖甲握弓上馬右邊石敬瑭怎生打扮頭戴一頂錦毛團淡紅氈笠身披一領嵌金砌玉胡羊裘左肚插一壺鑿山狼牙箭右肩背一張畫樣寶雕弓二人在場中揮鞭走馬各顯出手段敬瑭將馬略勒過右走阿速魯曰待擒此牧羊奴去見爹也請賞便催動馬赶上敬瑭較其來近弯弓在手一矢射去正中阿速魯左眼翻身墜落草場中眾人救起回去武沒知道口中不語心下懊恨要生個計較害死敬瑭不想當日二人比試之時有武沒渾家



敬瑭投克



張彥部軍

董璋令胡



僧解謠言

在樓上觀望見敬瑭頭上現出一條黑龍自思此人必有大貴之分因聽見夫要害他密令人將黃金五兩使石郎偷一疋好馬速宜逃走敬瑭聞此消息收起黃金偷一疋快馬連夜逃奔魏州節度使張彥部下投軍張彥一見敬瑭儀表出眾收為帳前銀鎗都指揮及一載賀德倫攻下魏州張彥被殺敬瑭引本部軍歸附唐莊宗存勗封敬瑭為宿衛軍每從征伐多立了奇功在李嗣源帳下充馬軍總管嗣源在鎮州因與張處瑾韓正時交兵嗣源馬被陷倒敬瑭突入陣中扶嗣源上馬一勇殺出鉄搥打死韓正時殺虜一千餘人保嗣源回營嗣源以此十分愛重他將女嫁與敬瑭為妻後來嗣源即位是為明宗皇帝授敬瑭殿前駙馬都尉軍中皆稱為石郎駙馬至唐天成二年有功封六軍諸衛副使一日跟明宗出郊打圍趕得一隻白狐被軍卒捉獻敬瑭敬瑭將

殺之白狐忽作人言曰你休害我他日原報恩德敬瑭大驚問其故白狐又曰咱的女狹兒名述律見在朔方勇力絕人你是大唐皇帝後他日做我的外孫善保富貴休得相忘道罷起一陣狂風飛沙走石湏臾間天地復清白狐不知去向眾人皆言好奇怪收回圍場有詩為証

中原離黍亦堪悲

不過數年接借助

妖孽縱橫社稷危

北騎南指入京畿

唐天成二年有閬州節度使董璋欲謀反與胡僧商議僧曰將軍名應圖誠他日必有與王之業璋問曰公何以知之僧曰聞有謠言云千里重重草玉上有文章國號羅平地兔子上金床璋曰謠言如何解說僧曰千里重草董字也玉上有文章是璋字也將軍是辛卯生卯寅兔辛屬金這便是兔子上金床也董璋聽罷大喜曰使我得成其事公亦不失富



敬瑭教場



操練部兵

石敬瑭活



捉董光業

全象南宋志傳

貴矣遂決意反叛在蜀置都改年號曰羅平消息傳入洛陽唐主遣石敬瑭充天雄軍節度使統兵二萬去征討敬瑭受命即日部兵出教場操練期定明日起發時天成丁亥年秋七月也有從征指揮使趙弘殷小名玄朗涿郡人入辭杜氏杜氏曰今早腹痛已極莫非懷胎當產君若行只恐無人看視後事也弘殷曰軍情緊急如何久留得天幸有緣遇今夜分婉則吾去亦無憂矣杜氏愈覺疼痛弘殷扶入營中是夜二更左側生下狹兒紅光滿室紫霧騰上弘殷急着人收養起營中與丕經月不散故有香孩兒之號後來取名匡胤開宋運是為太祖皇帝生於洛陽夾馬營者是也匡胤之生自明宗登極之年每夕於宮中焚香祝天曰某胡人因亂為衆所推願天早生聖人為生民主至是匡胤果應期而生此話且表過此日弘殷分付家人用心看侍杜氏自赴軍前隨敬瑭

瑭望閬州征進大軍來到東京口下寨哨馬報知董璋亦點起軍馬五千人次日平明開城於平川曠野與敬瑭對壘排陣董璋全身披掛出陣謂敬瑭曰我事大梁皇帝唐王滅梁之後便自入蜀回避何事更來相攻敬瑭罵曰你昔日為李家奴掃馬糞今得為節度使天子何負於汝而反邪董璋激怒挺鎗躍馬與敬瑭交鋒二人戰上二十合不分勝負董璋用誘敵計佯走入陣中敬瑭揮兵追趕忽砲聲振起董璋伏兵併出將敬瑭圍於陣中敬瑭知中計急引步騎突陣而走董璋乘勝追擊二十里乃收軍入城敬瑭折去馬步軍五千餘人懊悔無及勒兵屯利州遙望正北塵頭蔽日一彪人馬殺來却是董璋兒子董光業敬瑭排開軍馬縱騎與光業交戰未數合敬瑭抖搜神威將光業活捉馬上殺散餘軍分付將光業監囚遣人解赴洛陽見唐王奏知蜀兵利鈍不

卷一

七



朱弘昭書



能即下唐主得奏令將光業斬首號令訖復差安重誨前往  
巡督征蜀諸軍重誨領旨已到利州召敬瑭問曰汝領命征  
蜀已是半個月如何不立奇功反有折兵之失敬瑭曰蜀道  
險阻難於進軍所以成功較難重誨曰限汝一月務要收捕  
董璋如再不捷待奏朝廷削奪官職敬瑭領命而退回至營  
中與眾商議進兵正在納悶人報鳳翔節度使朱弘昭差人  
送書來見敬瑭得書折開看之

奉石敬瑭

弘昭書奉駙馬都尉大使石公座下安公近過鳳翔館于  
府舍備言入蜀之由頗有怨君之意舉措孟浪謀畧深沉  
若至行營必奪公兵柄豈不使將士疑駭為公之計莫若  
奏聞朝廷恐激軍變乞早徵還則公之用兵可無中制之  
患不然意向矛盾動為安公掣肘非公之利也辱愛之厚  
敬陳此忱幸明公留意

契丹興



敬瑭得弘昭書看罷轉生疑懼即日統聚所部軍馬遁歸西  
川去了安重誨聞報差軍討李榮率兵追之不及而還安重  
誨深恨敬瑭私逃差人奏知唐主恰遇契丹舉兵入寇河東  
唐主命群臣簡擇誰可統軍防禦契丹之兵樞密使范延光  
奏曰今帥臣可任者獨有石敬瑭康義誠二人可以應選唐  
主曰朕亦知敬瑭可用曾奉征蜀無功巡督安重誨奏其有  
私逃之罪學士李崧曰河東重鎮非石太尉不可陛下特赦  
其罪而任之則可以消外侮矣唐主允奏遂遣使詣西川授  
敬瑭充河東節度使之職防禦契丹入寇

李潞王汴京稱帝 石敬瑭領鎮河東

使命得旨逕詣西川行營宣讀聖旨曰

兵入寇

朕以國家多事之秋帥臣效功補過之時茲爾石敬瑭承  
命征蜀未見有功帥臣劾奏私遁之由朕不深罪且廷臣



契丹敬瑭



殺馬結盟

潞王謀反



延慶諫阻

金舉卿負禦侮之能宜遠置而不用近者契丹跳梁舉兵入寇勅授卿充河東節度使之職得旨之日即便赴鎮方略設計以退敵兵朕將專待捷音决不吝爵故茲詔示汝宜欽哉 長興元年 月 日詔

石敬瑭聽宣旨即日領職率所部徑赴晉陽即河東鎮守整飾戎伍以軍事委部將都押衙劉智遠執掌錢糧委司馬周燾管理時蔚州刺史張彥超舊與石敬瑭有仇聽得敬瑭鎮守晉陽嘆曰怎生屈節事仇人乎遂舉蔚州降見契丹契丹大喜厚待之忽哨報河東防守嚴密難以進兵契丹因與眾人商議曰石敬瑭素有重望今既來鎮守河東只可與他講和若與爭鋒未見其利眾人然其言次日契丹列軍馬於城下與敬瑭殺馬歃血結盟而去自是河東邊民得免劫掠之患皆石敬瑭之功也長興四年十一月明宗祖十二月眾

臣立其子從厚初封宋王即皇帝位是為閔帝改元應順元年時朝廷政事皆宋弘昭馮贇二人掌理一日帝設朝宋弘昭不喜敬瑭久在太原乃奏曰河東實朝廷之藩蔽控契丹之咽喉陛下當調回敬瑭以重臣鎮守社稷長計也帝未決李崧奏曰石太尉在鎮未久深得士心不宜便召還以阻人情弘昭又奏若不召還必生窺伺之隙悔之無及帝遂從弘昭之議次日竟下命徙石敬瑭成德節度使委路王鎮守河東靜軒周氏有詩斷曰

先帝重臣容易逐 愴惶離闕悔難追  
早知改調成邊釁 執宰讒行禍竟隨

話說李潞王名從珂准朝命徙鎮河東將石敬瑭號令改過與眾人商議謀反副軍洪延慶曰主上以大王至親委付重任今到河東未及旬月遂起不軌之謀何以服天下乎王不



閔帝敬瑭



衛州相遇

敬瑭一箭

射死守榮



聽決意舉兵乃移檄鄰郡言朱弘昭乘先帝疾遂殺長立少  
 專制朝權今我要入朝以除君側之惡用告中外知之於是  
 潞王建大將旗克日興師望東征進大軍至陝關鄉諸將  
 及康義誠等皆詣潞王軍前投降消息傳入洛陽閔帝大驚  
 召群臣商議無一人敢出兵者帝怒曰無事之日汝眾人言  
 皆能任事今敵兵臨境欲使朕束手受擒耶拂衣入宮中是  
 久與弓箭庫使沙守榮奔洪進等共五十騎出玄武門走奔  
 衛州去了潞王軍至蔣橋大臣馮道等皆上牋見太后勸  
 進潞王以理國事太后乃下命廢少帝為鄂王令潞王即位  
 於柩前是為廢帝群臣朝賀畢帝令執奸臣朱弘昭斬之改  
 元清泰元年却說閔帝駐札衛州發詔書召各鎮入救國難  
 石敬瑭聞詔即日領軍入朝恰與閔帝相遇於衛州閔帝大  
 喜曰石太尉到來社稷有主矣即召入問計託以興復之事

敬瑭曰臣聽得康義誠已行反叛事勢危急容臣與眾將謀  
 之却得奏聞帝依其言敬瑭既退次日入見刺史王弘贄共  
 謀興復大計弘贄曰往時天子播遷在外當有將相侍衛府  
 庫法物四件跟隨一處來使臣民有所瞻仰今止有五十騎  
 自隨是可疑也敬瑭聽罷心亦不安退問沙守榮奔洪進二  
 人曰今天子獨與數騎離從至此縱我有忠義之心何以辨  
 此洪進厲聲責之曰公為明宗愛將無事時共享富貴今天  
 子蒙塵在外公當戮力討賊共圖興復乃遷延不進反以無  
 將相侍衛府庫法物四事為疑是欲附賊賣天子也言罷抽  
 出佩刀欲刺敬瑭賴得親軍館陳暉力救敬瑭走出守榮怒  
 拔刀追來敬瑭發一矢射死守榮奔洪進見大事已去亦自  
 勿而亡劉智遠聽知敬瑭遇難率步軍突入將閔帝從騎盡  
 行屠殺獨留閔帝一人而已次日石敬瑭亦不謁見引兵徑



石敬瑭令



房衍占課

敬瑭辭帝



復鎮河東

趨洛陽見唐主唐主大悅執手慰問曰卿憶昔日同事之時乎初敬瑭與潞王比肩事明宗皆以勇力善聞聞於一時故有是言敬瑭叩首請罪唐主賜賚甚厚命退敬瑭歸至宮中自思吾之入洛陽非我本心欲便還鎮恐朝廷生疑只得暫停洛陽偶因沾病經過旬日服藥皆不効請得陰陽人房衍來占六壬課得個天皇課房衍曰這課主病人心下憂疑宜命道士告北斗禳度乃可免左右告知敬瑭也依其言遣人去請道士張守一來宮中行符呪水與敬瑭拜章告斗中夜後張守一拜章已罷忽報道此病無妨但利進動不可守常敬瑭問其故守一曰小道伏章到紫微宮親見星君判下四句云

借問禾尚過河無

引得姑夫到中國

河南拱手待姑夫

嬪妃卿相作戎奴

石敬瑭見張守一說了這四句心下自曉其意義那病忽然甦醒如風行雲捲日出冰消一般愈也謀於魏國公主代奏勸唐主遣他還鎮唐主設朝罷公主上表言邊廷多事石敬瑭久留洛陽恐外寇生發甚非利便乞陛下遣其還鎮天下幸甚唐主以問群臣時鳳翔諸將佐皆勸王留住敬瑭不可使之還鎮獨韓胤奏曰晉王去汴咫尺程矣縱有不測有趙延壽在汴陛下不須疑忌唐主乃召敬瑭入見時敬瑭病新起顏貌消瘦帝不以爲疑遂宣授石敬瑭復爲河東節度使之職敬瑭得命即日領旨與所部逕赴河東去了有詩爲証

五季紛紛幾正朝 群雄逐鹿世經遭  
 政龍不是池中物 一陣風雷上漢霄  
 却說石敬瑭復得河東思保全身之計嘗稱病不能理軍事



敬瑭表奏



欲使朝廷不生疑忌是時民困於水旱飢荒敬瑭督收嚴急河東百姓往往流離外郡敬瑭自率大軍在忻州就食上表奏知唐王曰

河東節度使臣石敬瑭謹謹頓首百拜上奏 皇帝陛下臣謹言近者雨暘不調蝗災連境河東之民不能聊生致父子流離於外郡者不可勝記填委於溝壑者在在有之臣即日以部軍就食忻州臣恐今者米穀不繼來年猶荒則軍士難於應命緩急之際關係非細也乞陛下仁垂赤子之念廓施救恤之恩軍民一體預議區處庶使未遷者猶可眷戀舊廬存保室家為邊陲之扞蔽則社稷有賴軍民幸甚清泰二年 月 日河東石敬瑭頓首表上

河東饑荒

唐王得表即遣使者賞詔撫諭宣賜諸軍宴衣軍士歡呼萬歲敬瑭不得已亦降伏望闕大呼萬歲屬從事段希範曰

唐王聖節



軍士不由王令預先傳呼王將為首唱萬歲者正之以法敬瑭乃令劉智遠究得三十六人即時赴軍前處斬以徇諸軍唐王聞此消息轉生疑忌清泰三年正月初六日乃是唐王聖節號做十春節置酒內殿受內外文武賀壽但見衣冠濟濟步履鏘鏘武列捧觴而進賀文班獻頌以稱揚四下禮笙歌鼎沸滿筵中器具鮮明真是

筵中珠履三千客 座上金釵十二行

君臣宴罷有晉國長公主舉觴稱壽畢奏曰陛下復石太尉舊職命鎮河東今妾欲辭歸見駙馬未敢擅便取自聖旨唐王因醉後笑答之曰公主怎不留在此中匆匆謀歸欲與石即同反耶公主默然退入宮中石敬瑭二子密遣人將此言報與父親去了

宴賜群臣

知遠建議與王策 敬瑭遣使入契丹



李松呂琦



私謀國計

唐王怒責



李松呂琦

却說敬瑛得二子之報愈生猜疑將其私財努藏蓄在洛陽者盡行取歸河東聲言軍需不足欲取此以充用朝廷料其有反意唐王日夕以為憂夜與近臣從容論事因而曰石郎與朕自來至親但流言不止恐彼自不安萬一失歡將如何解救群臣皆不敢對既退李松私與呂琦謀曰我等受國厚恩豈得不閉念慮呂學士計將安在琦曰石郎若有反心必結契丹為助契丹嘗為求前刺等屬請和親上未見許今朝廷誠能放前刺等歸契丹約以歲納禮幣十萬緡彼貪此厚利必歡然從和如此則河東勢孤雖欲謀反無能為矣松曰此上計也但有一着每歲納十萬緡錢不是細事亦須與張相商量然後奏聞琦然其言二人遂同到張延朗府中謀議此事延朗喜曰學士之計甚妙若朝廷聽從不但可以制伏河東亦可省邊庭調度之費二公受教奏聞若緡錢之事老

夫自當措辦二人辭退次日李松呂琦就內殿密奏其計唐王聞之大喜曰卿見甚明朕當思而行之呂李既出唐王以二人之奏問樞密直學士薛文遇文遇奏曰以天子之尊屈身夷狄國之辱也誰為陛下盡此謀倘戎情無厭他日求尚公主如單于求娶昭君之事將何以拒之唐王急命召松琦入責之曰朕一女尚乳臭卿等使朕屈身以事戎狄將欲使棄吾女於沙漠之地耶二人頓首愧謝唐王曰有敢倡和戎之議者以軍法從事次日即降出呂琦為御史中丞石敬瑛在河東欲覘朝廷意向累表乞解兵柄朝廷不允又稱病上表曰

河東節度使臣石敬瑛叨被國恩濫充戚黨以國家之盛衰係一身之休戚受命驅馳以來粉骨未知報效近因入侍擲風沐雨病勢日增弱不勝衣疴羸愈甚欲乞聖慈矜



帝覽瑋表



臣疲病筋力已衰與解兵柄付一小壘容臣養病調理倘延犬馬餘生則未死之年無非報朝廷忠陛下之日也謹具表奏聞伏取進止

與臣謀議

維翰進策



敬瑋大喜

唐主覽表與大臣謀議欲從敬瑋奏移鎮鄆州李崧力諫以為不可允其請時薛文遇獨在樞密院直宿唐主召與之商議文遇奏曰以臣觀之石節度素有反志移鎮固反不移亦反不如先事圖之唐主喜曰聞卿言朕意決矣今年司天臺奏朝中當得賢佐出奇謀定天下卿其當之即日寫着除目付學士院降制徙石敬瑋為天平節度使任鄆州制下朝臣相顧駭愕驚疑之意唐主仍命張敬達為西北都部署趣敬瑋即解河東之職石敬瑋即命集將佐謀曰我再來河東主上面許更不除人替代今石移鎮之命是與千春節對公主言我有反意司天臺肯束手就死乎且再上表稱病若皇上寬我鄆州之行則盡忠事之若有加兵於我則離此以反之時部將段希範趙瑩等力阻其計劉知遠挺身向前言曰明公若赴鄆首是欲殺公於機筭也且明公久在兵間素得士心今河東形勝之地甲兵不是寡少糧食不是虛竭若據險稱兵遠近響應傳檄諸鎮帝業可成奈何聽命於一紙之制而自授身於虎狼之口乎敬瑋持疑未決桑維翰亦曰明公入朝主上以公還鎮以河東授公此殆天意與公以興王之基也明公為明宗之愛婿主上以庶孽奪天位今以反逆疑公豈空言可以酬謝但為自全之計則可免禍耳敬瑋聞二人之言拱手謝曰公等所陳甚明奈眼前無相助之人恐成不得大事也桑維翰曰吾聞契丹主與明宗約為兄弟之國緩急相救援明公誠能推赤心屈節以事契丹朝呼夕至何謂無助之人乎敬瑋大喜即用二人之策先令桑維翰修表進上



帝覽瑋表



唐王表曰

臣敬瑋謹言古者帝王之治天下也立儲以長傳位以嫡此古今不可易之法也晉獻公以驪姬之故廢太子立奚齊晉之亂者數十年秦始皇不早立儲君殺胡亥立胡亥卒以自墟其國唐之天下明宗之天下也明宗皇帝金戈鐵馬之所經營麥飯豆粥之所收拾持三尺劍從馬上得天下厥功亦不細矣近者宮車晏駕皇上以庶孽之子入承大統天下忠義之士聞者皆為扼腕區區臣愚欲望陛下退處藩邸傳位許王有以慰明宗皇帝在天之靈有以服天下忠臣義士之志不然同興問罪之師少正篡位之罰徒使血污闕庭生靈塗炭彼時悔之亦噬臍矣冒昧奏言伏候勅旨

怒擲于地

唐王覽表見辭語不遜裂其表擲之於地罵曰堅子欲舉兵

元信投降



回關即下詔答之


詔曰卿於鄂王固非疎遠衛州之事卿實負之傳位許王何人肯信卿往鎮鄆州毋得翔翔不進故茲詔答卿宜悉之

敬瑋大悅

唐王降制削去石敬瑋官爵敬瑋得詔與劉知遠等議曰王上怒裂吾表又降制罵削官職當何以繼之知遠曰先發者制人後發者制於人王上知明公必反故有是命公若乘時而起必無不克敬瑋然其言忽報雄義指揮使安元信帥部下來降敬瑋召入謂之曰強莫強於朝廷弱莫弱於河東公何捨強而投弱耶元信曰小將不會觀星望氣但以天下之事勢決之以定趨向耳敬瑋曰公且言之元信曰帝王之治天下在信與義今王上與明公至親尚待之以不信况他外臣乎無信與義其亡可翹足而待也何強之有敬瑋大悅以



敬瑭聞帝



殺子大慟



賚表契丹

元信為親軍振武巡檢使安重榮亦率馬步軍五百人來降秋七月唐王將石敬瑭子弟在京都者凡四子盡收捕殺之敬瑭聞知此事向東大慟曰臣受明宗皇帝恩顧如天今主上聽信讒邪將臣四子一日屠之臣若不舉兵向闕死無葬身地矣非敢負明宗今上激臣之叛耳皇天后土實聞此言明日大會將佐于軍中議所以舉兵之策眾將皆言得契丹出兵相助中原必可圖也敬瑭即令桑維翰草表稱臣於契丹王請借兵赴援且約以父禮事之許事濟之日割盧龍一道及鴈門關以北諸州與之劉智遠力爭曰稱臣可矣稱子事父其禮太過厚許金帛可矣許割土地太厚今乘快許之雖足得其氣力恐他日為中國之患悔之無及敬瑭曰但依吾言表文曰

臣石敬瑭表奏契丹大國可汗臣唐室之愛婿切惟明宗

皇帝與大國約為兄弟非一日矣刑馬之誓歃血之盟急相援憂患相卹兩國信義誓不食言今潞王從珂篡自立臣欲舉兵興問罪之師顧兵單力寡恐不足以辦大事願執子禮父事可汗願借精兵共濟斯役事捷之日願割盧龍一道及鴈門關北土地以為謝冒昧表聞伏候報可

敬瑭遣使賚表至大遼見契丹王契丹王覽罷大喜亦遣人送回書答曰

契丹可汗德光致書于元帥石公得卿所奏備見忠忱追念明宗兄弟之情敢不聞命除已聞報諸部落糾集軍馬外候在秋高馬肥麥子紅時候傾國赴援幸持重自守以俟援兵之來使回不多祝

石敬瑭得契丹王回書許助人馬不勝之喜與將佐日夕整



帝遣張敬



達討敬瑭

敬瑭賫送

羊酒犒軍



理軍事以候出師却說唐王知石敬瑭結連契丹謀及遣張敬達為太原四面兵馬都部署領精兵十萬討石敬瑭張敬達受命帥所部出洛陽望河東征進大軍離城二十里屯扎敬達下令欲為攻城計哨報入石敬瑭軍中敬瑭以劉知遠為馬步都指揮使知遠收撫降附用法無私由是人皆樂為用敬瑭聞朝廷大軍臨城身披重甲登城坐卧矢石之下知遠入曰我觀敬達無他奇策不足畏也守城至易知遠獨力足以當之敬瑭依其議因深溝高壘而守敬達聽得契丹以秋高出兵赴援與大將高行周符彥卿議曰河東之眾脆弱專恃契丹為取乘其機未至與公等急攻城可收全功彥卿然其計敬達分行周彥卿屯東南自與楊光遠安審琦屯西北作長圍攻打城上發下砲石箭弩唐兵不能近前一連困了十數日時秋雨弥旬敬遠長圍為水潦所浸西北軍上各移高處駐營知遠密遣輕兵從背地抄掠其營敬達之眾不勝其疲矣

契丹大戰高行周

唐主下詔議親征

却說契丹王德光於清泰三年九月親率領馬步軍五萬出自武陽谷遣胡騎於路上哨探看有伏兵否回報並無伏兵契丹王曰吾知唐兵無能為矣遂下令長驅而進來到河東地名虎北口下營先遣人入城見敬瑭曰契丹王傳示元帥大軍已到虎北口說來日與唐兵交鋒汝但傍觀待他破其眾也敬瑭大悅遣使賫羊酒馳赴契丹軍營報曰勞煩爺王親帥大軍來到王帥畧備些犒軍物件前來軍中投納契丹王收訖問來使石郎尚有何說使者曰王帥再拜上言唐兵甚廣爺王未可便交鋒契丹王笑曰汝歸報知我明日未時出兵破唐陣使者回報敬瑭亦整兵伺候次日契丹德光率



知遠突出



胡兵於陽谷擺開陣勢對壘高行周首先出陣遙見契丹德  
光手執長鎗坐於馬上胡兵各前後擁定行周立于門旗下  
謂之曰唐王待汝不薄今日何得出兵以助反臣德光曰主  
上不明信任奸臣要致石郎於死地是以出兵來救他矣高  
行周大怒縱騎舞刀直衝北陣契丹德光舉鎗交還兩下納  
喊二人戰到深處有詩為証

鳴笳疊鼓出轅門  
草莽蔓纏征骨沒

殺氣凌空日月昏  
愁雲寒鳥滿荒墳

行周大敗

高行周與契丹德光連戰二十合不分勝負忽城西金鼓齊  
鳴一彪軍從中陣突出却是劉知遠之軍將唐陣衝為兩截  
高行周不能抵敵大敗而走死者近萬餘人石敬瑭又出一  
支生力兵直擣其西北營張敬達符彥卿等不敢戀戰收召  
餘眾退保晉安契丹王收兵回虎北口石敬瑭大勝張敬達

敬達遣使



入朝求兵

一陣請營中見契丹王德光賀曰皇帝跋涉遠來士馬疲倦  
竟與唐戰而大勝何耶契丹王曰始吾之來料唐兵必斷馬  
門諸路伏兵於險要之地則不可得而進矣使人馳驛緝探  
皆無伏兵所以長驅而來知大事必濟也我軍方來氣勢正  
銳若不乘機而戰曠日持久則勝負未可知矣敬瑭嘆伏與  
契丹王合兵圍晉安寨契丹人馬駐西南置營長百餘里厚  
五十里軍中多設鈴索吠犬警防敵人劫突張敬達士卒獨  
有四萬人見契丹大軍營壘為之破膽召高行周議曰河東  
之衆恃契丹為聲勢我軍初敗士卒寧肯先戰公等有何計  
解圍行周曰衆寡不敵主將宜求救於朝待等益兵來助方  
可議戰敬達從其議遣使入朝告急唐主聞奏大懼遣符彥  
超統軍屯駐河陽以禦敵兵詔天雄節度使范延光盧龍節  
度使趙德鈞耀州節度使潘环共三路兵救晉安仍下詔御



帝御親征



雍王諫阻



駕親征詔曰

朕藉祖宗之靈，慕承大統，賊臣石敬瑭，憑恃戚畹之親，誘致契丹，大舉入寇，搖蕩我邊鄙，屠害我生靈，朕將帥諸路兵馬，親征，咨爾臣民，各一乃心力，弘濟小子，于多艱，則于於汝多士，有嘉，故茲詔示，想宜知悉。

雍王重美諫曰：陛下目疾未痊，豈宜遠涉風沙，臨犯矢石？臣雖年幼，願代陛下北征。唐王心下正怕北征，聽得雍王所諫，大悅，欲止不行。張延朗、劉延皓等奏曰：河東恃契丹之衆，實勁敵也。陛下若不親征，恐士卒為觀望之計，有悞大事。唐王不得已，下命車駕發洛陽。盧文犯曰：洛陽國家之根本，胡兵倏然而來，忽然而去，不能久留。晉安營寨甚固，况有三路援兵策應，計無難破之兵。且乞車駕留此鎮撫，南北只遣近臣督戰，俟兵圍未解，然後陛下北征。未晚。唐王問曰：近臣中誰

龍敏執表



跪奏唐王



可北征者，卿等但言之，和凝奏曰：盧龍節度使趙德用此人足智多謀，陛下宜詔其子趙延壽會之，必能成功。唐王依奏，乃遣趙延壽帥兵二萬往潞州策應去了。唐王駕駐懷州，朝夕以晉安為憂，出黃榜招奇謀異策之士，以條具請行。在奏聞，明日有吏部侍郎龍敏趨行朝，見帝，百官班定，龍敏越班而出，跪奏曰：

臣龍敏奏聞：皇帝陛下，臣切觀契丹德光傾國入寇，內固空虛，為今之計，莫若擣其虛。且立季贊華做契丹王，發天雄、盧龍兩鎮分兵護送，自幽州取道直趨西樓，朝廷明安侯其回軍，選募驍勇將士，帥精銳之兵，邀擊之。此亦解圍之上策也。事勢危急至此，不可揖遜以拯溺也。惟陛下留神吏部侍郎臣龍敏表。



帝出榜文



喚集僧道

唐王覽奏大悅欲用其策執政大臣爭持議論不從所請唐王日夕憂慮無他計謀惟酣飲悲歌而已遇邊報日急群臣有勸唐王北行者唐王曰卿等勿言石即的事使我心膽墮地唐王一日謂大臣曰契丹之圍不解敬瑭之患未除朕與卿等宜喚集僧道就寺觀作些好事以回天意呂琦奏曰為今之計須簡軍旅募智勇以退敵為此不切之務豈不貽笑遠近乎群臣有迎其風旨者皆曰此禳禳之法也豈不聞觀音經有云我若向刀山刀尋段段斷北斗經有云家有北斗經兵難永不起陛下的心做好事以回天意未為失計天意既回然後集民為軍悉力以拒契丹勸百姓各自以保護為心人自為戰契丹雖強不足畏也唐王曰汝等之言忠矣即出榜文喚集寺觀僧道日夕鳴鐘擊鼓焚香誦經呪祈禳兵禍唐王親自臨拜又出榜募民兵榜云

帝詔德鈞



行營都統

大唐皇帝親征契丹收勦敬瑭反賊大軍已次懷州延臣奏請乞募民兵籍民馬以為義軍應副防禦勾當奏過欽奉聖旨大括天下將吏及百姓每有馬的盡數拘收民間每七戶出壯丁一人自備鎧甲器杖喚做義軍就數內擇有氣力的大戶充頭目自行管領限在十一月十五日以前到軍前聽候調遣詔下得馬二千三百三十六疋壯丁五千八百八十一人撥屬范延光部下調發十一月唐王詔趙德鈞充行營都統出兵襲契丹之後趙德鈞得旨與子延壽進兵飛狐嶺下營德鈞與子議曰朝廷已無王矣我欲乘亂以圖中原此事可行乎延壽曰大人此舉非是小可雖合澤潞二處之勢事或可為德鈞然其言即將人馬從土門路投西去一邊遣人赴行營奏知唐王待合澤潞之兵並進時范延光受詔將帶軍馬



德鈞遣使



表奏朝廷

唐王覽表



大怒德鈞

屯遼州聽知德鈞有反意表奏朝廷唐王得表大驚曰河東之難未息使內軍生變大事去矣即下優詔遣使往德鈞營中問之德鈞受旨恐朝廷見罪與延壽合兵投北去于團柏谷口下營已經月餘按兵不動却說契丹主進兵在榆林下營留輜重及老弱軍守虎北口聞朝廷差三路兵救應晉安又報趙德鈞兵屯團柏谷離契丹營四十里契丹王下令軍士各各結束行裝詐作遁走之計欲誘德鈞來戰也哨馬報知德鈞延壽入見曰朝廷差大人用兵機會難得今契丹出兵日久欲遁去我引兵北向榆關以邀之破擒其眾易為成功也德鈞曰此功且停待先表知朝廷若唐王肯與汝永成德節度使則我父子盡忠事之若不許莫如先結契丹為援以取中原延壽再不敢言德鈞即修着表文遣人詣懷州奏知其表曰

盧龍節度使臣趙德鈞頓首謹表奏曰臣領戎命以救晉安之圍向者集各鎮兵馬陸續赴調臣每遣緝探契丹兵勢回報甲兵尚利臣審方略進取不敢亟戰正以避其銳也目下哨馬又報契丹有可取之執臣本欲倍道征行兒子延壽要待朝廷求為永成節度使方肯進兵今臣預表奏知乞陛下勿以節鉞吝賞勅命若下臣父子當舍命爭先而收援救之功臣昧死奏聞伏候聖旨清泰三年 月

日臣趙德鈞表

唐王覽表畢大怒曰朕以來表莫非破了契丹特來奏捷緣來為兒子求節鉞的事因以表示群臣曰趙德鈞統諸路兵馬防禦契丹去已多時建得甚麼功劳便為兒子求討節度使若他父子能退契丹便要禪代我位朕亦甘心今只玩寇邀君特恐大勢不能自立如獵人隄防不密大與走兔俱死



德鈞遣子



結援契丹

契丹指石



許立敬瑄

便得節度使又怎生自活耶群臣皆默然唐主不允所請趙德鈞聞此消息大惧與二子謀曰嫌隙已深若不早為計難保全身矣乃遣次子延福賫送黃金三百兩絛段五百疋前去拜見契丹主稱是犒軍禮數契丹主接了金帛問延福曰汝元帥有甚言語延福曰臨行時大人說傳示契丹皇帝大軍遠來跋涉風砂不易今唐主出奔懷州稱道親征其欲避皇帝軍馬也大人見擁重兵與皇帝兵馬對壘倘若肯立大人為中原之主大人便將部下軍馬平定洛陽契丹約做兄弟之國將河東一帶割與石郎自管使天下休兵免致生靈荼毒契丹主聽罷自悔深入唐境晉安之營未下趙德鈞兵馬尚強又怕山北諸州出兵邀其歸路莫若多得金帛成約而歸一則不損折人馬二則歲歲多得金帛子女之屬欲從延福所請留在軍中商議探馬報知石收瑄石收

大驚曰石契丹有變則大事去矣即遣桑維翰來見契丹王契丹王問學士來此有何言語維翰跪告曰趙德鈞父子又有反心其所將之兵皆是臨期收集脆弱之徒聞戰自潰不足畏懼皇帝不可信其妄說貪取涓滴之微利而自棄丘山之大功若使石郎得做皇帝將竭盡中國之力以事大國如子之事父又豈若德鈞兄弟之約乎契丹王曰我非背盟蓋兵家用權交事當如是也維翰曰皇帝傾國來救敬瑄之急四海之人皆服皇帝信義奈何一日因小人之言遂變前約使大義不終臣切為皇帝不取也自旦至暮跪於帳前涕泣奏請不已契丹王乃召趙延福至帳前指其石謂之曰吾已許石郎為中原主明誓已堅雖待此石頭爛了則可交約矣爾回傳示趙元帥他若曉事之時且退兵自守待石郎為帝後割一兩鎮與管領如不然當倚弓刀來戰延福不敢做半



敬瑭即位



諸軍拜朝



趙瑩等職

聲抱頭連日而回契丹遣人召石敬瑭至謂之曰吾三千里來赴難必成大功觀汝器貌識量真中原之主也吾欲立汝為天子以慰中國臣民之望尔意何如敬瑭謝曰石郎不能了事勞煩大人遠來救援欲賴皇帝威風扶持大唐若棄舍明宗恩義自立為帝何以見朝臣辭讓再三契丹王曰先立汝為君則臣民有主却圖進取未遲敬瑭乃從之契丹王命桑維翰作冊命曰

契丹皇帝誕膺天命奄有朔方痛念中原無主四海罹兵戈之苦百姓遭荼毒之災親提大軍來赴急援切見石敬瑭以明宗之愛婿擁節度之重權人望所歸天心攸屬議立石敬瑭為大晉皇帝即位于晉陽定國號曰晉布告天下咸使聞知

契丹王既作冊命即自解衣冠授與石敬瑭于晉陽城南築起

三層壇敬瑭就壇上即位是為高祖皇帝國號後晉諸軍皆山呼萬歲石敬瑭受朝拜畢舉觴為契丹王稱壽曰石郎今日遭遇聖恩推戴為天子全賴皇帝福蔭請割十六州土地為謝那十六州是甚州府

- 幽州 薊州 瀛州 莫州 涿州 檀州 順州
- 新州 媯州 儒州 武州 雲州 應州 寰州
- 朔州 蔚州

是夕君臣盡歡而散

趙德鈞迎降契丹 石敬瑭兵入大梁

次日晉王命趙瑩桑維翰等寫定文字撥取十六州請契丹主差人前去交割又寫每歲貢納歲幣三十萬匹合同文書赴契丹王帳前交納改唐長興七年為天福元年稟晉朝正朔其法制皆遵用明宗皇帝舊典宣授趙瑩為翰林學士丞



唐立晉長



旨領左相桑維翰為翰林學士權知樞密使領右相劉知遠為侍衛馬軍都指揮使景延廣為步軍都指揮使立晉國長公主為皇后命桑維翰作冊文曰

大晉皇帝誕受 上天皇帝晉承 烈祖丕基頃拜命於朔庭俾宅尊於中夏咨尔皇后晉國公主膺明宗之顯命作嬪于家頃國難未平夙夜敬順助予一人雞唱儆戒之道朕甫登大寶均拜洪休宜崇位號儀刑宮庭立晉國長公主為皇后爾惟奉若天道表正中宮美閔睢之風修彤史之行無忝我明宗之休命

晉王即位立后已定乃命庫使籍河東府庫得錢三十萬緡緡五千匹金銀各三千兩盡數送納契丹帳前犒軍歡聲如雷後人有詠史詩曰

底事疑遲滯石耶

甘臣胡虜滅天常

帝命石重



貴為留守

話說晉王處置朝制已定欲引兵南下詰契丹宮中議曰河東形勝之地須留親子鎮守契丹王曰君出諸子來吾擇一人鎮守晉王兄敬儒早喪有子名重貴晉王養為己子形貌類晉王而目大契丹王指重貴曰此大目者可也乃命重貴為北京留守封齊王十二月晉王與契丹王發兵離晉陽屯團柏山旗鼓相接聲勢甚盛契丹王遣先鋒將高謨翰迎戰趙德鈞父子先逃走了唐軍不戰自潰被高謨翰殺死者萬餘人楊光遠見晉兵利銳斬却張敬達引所部降附契丹去了安審琦符彥卿等單騎赴行在晉安士卒逃去大半消息傳入懷州唐主聽知石敬瑭即位晉安兵潰君臣惱恨不知所向唐主召李松議事薛文遇不知事由亦到行在唐主一見文遇不勝其怒李松私躡文遇足令他出避唐主曰我

潞王未返懷州駕

無奈天心屬晉陽



帝問李崧



保國之計

德鈞父子



囚回見后

見此等口頭使朕肉戰幾欲拔刀刺殺之亦不足以泄朕此憤也他自謂是天生賢佐出奇謀定天下誤朕至此有何面目來見我耶崧奏曰文遇小人淺謀誤國陛下親手刺之轉彰其醜唐王沉吟半晌問崧保國之計崧曰今日之事不利進攻只宜退守莫如整駕南還別圖興復唐王依其言下令起發懷州居民聽得晉王兵馬到各携老幼逃竄山林監門者奏請重刑禁止之雍王諫曰國家多事未能為百姓做主又禁他避死求生反增百姓之怨不若聽其自便帝乃出令任從逃竄唐王擇定十二月初五日車駕離懷州命安審琦諸將分守了南北城却說晉王與契丹主大軍到潞州趙德鈞父子備辦拜見禮物迎接契丹主軍前面縛投降契丹主怒責之曰背君之徒留將何用即令將德鈞父子囚任差人解歸本國去見述律太后去了後人有詩斷曰

挾詐欺君甘屈辱

囚俘不免身誅戮

忘謀失計喪王師

慨想區區激壽時

却說契丹述律太后正與眾臣議事人報中國解得趙德鈞來到太后召入問之曰我聞汝為帥救晉安之圍近者又奔太原何故德鈞跪告曰奉唐主之命而來太后笑曰汝要結吾兒求為中國天子尚以奉命之言謊我耶吾兒臨行時分付趙大王若引兵北向榆關告急吾當引兵即歸爾既要為天子何不用殺退吾兒就唐主陰圖禪位亦未為晚為人臣負其主是不忠乘時邀利為不義不忠不義何所容身於天地之間即令左右將德鈞推出剝取其皮以鞞鼓去了太后以趙廷壽曾在軍中要引兵襲攻渝關其志頗忠乃赦之與張防同為翰林學士廷壽謝恩而退不在話下却說晉王兵屯上黨設宴犒賞軍士契丹王居上位其將佐各依次坐于



晉王設宴



左右是日軍中大吹大擂君臣酣飲契丹王舉酒與晉主曰我若引兵南下洛陽之人必大擾動君自引漢兵南征我令太相溫率馬軍五千人與君同往我只屯此于此候君音問若有急則來救君若洛陽大事已定則我自北回矣晉主曰賴皇帝福蔭以有今日之功久後當修朝貢以謝言罷泣下契丹王曰世世子孫休得相忘如劉知遠趙彥柔維翰數人皆是創業功臣苟無大故不得棄絕晉王當宴領命眾將各散次日晉王與契丹王分兵引眾至上黨望南進發後人看史到此見晉王屈身奉戎有詩斷曰

君國子民天所命 石郎甘忍事腥羶

中原割與從夷狄 魚肉生靈四百年

款待契丹

晉王引兵



望南進發

入援洛陽唐主從其議雖頒詔旨告知而各鎮拱手為觀望之計無一人遣半騎赴救者近臣奏知晉兵長驅直下河陽守臣曲長從簡盡將戰船逆降大軍近臨城下乞陛下作急定奪唐主聞知愈驚欲再過河陽徵兵救京城又報晉王使契丹軍馬千餘人據守澠池不能前進唐主召文武議曰朕往日以高爵授汝眾臣今日大勢傾亡無一人肯為朝廷出力者乎道聲纔罷武班中轉過一人出奏曰臣雖不才願率兵以退晉軍眾視之却是國舅曹恩也唐主曰卿有何計拒敵曹恩曰洛陽城堅守固帶甲尚有十餘萬錢糧可支一年餘縱晉兵圍城便能攻得入哉臣願親領軍馬出戰若殺敗晉兵乃陛下之福不能成功君臣閉城而守濟鎮諸臣知之豈無仗義來救者耶陛下不必過憂唐主悅曰疾風知勁草國難顯忠臣卿若退得敵兵割河東一帶以報卿功曹恩慨

三象

卷一

三十四



知遠曹恩



交鋒平折

然而行次日選馬步精兵五萬揚旗鼓噪出城四十里地排  
下陣勢對壘晉兵連營五十餘里旗鼓相望聲勢甚盛曹恩  
全身披掛出馬立于門旗之下晉軍中前鋒劉知遠當先出  
陣手執安漢刀身騎紅鬃馬大叫唐將尚不納降以保全軀  
特來尋死路耶曹恩罵曰反國賊臣今日好好退回人馬令  
石即入朝謝罪尚不失前職若執迷不返交汝等死無葬身  
之地知遠大怒舞刀躍馬直取曹恩曹恩正待親戰左翼先  
鋒將陳文一騎飛出曰王將且待看吾斬此匹夫持刀敵住  
知遠交鋒二人戰上數合知遠佯走入陣陳文縱騎後追將  
近赶上劉知遠勒轉馬綽起鋼鞭喝聲中將陳文連盔帶甲  
打死於馬下隨軍潰散劉知遠揮動後兵鼓噪衝入南陣曹  
恩見陳文失手舉鎗躍馬接戰知遠忍目睜睜與曹恩交鋒  
南北喊聲大振二人戰到二十餘合不分勝負日晚各收軍

知遠見主



稱恩善戰

還營晉兵屯東南唐兵駐西北劉知遠入軍中見晉王道曹  
恩善戰勇力不在劉某之下晉主曰我聞曹恩是路王之妻  
舅既不能勝洛陽未可即拔倘潘鎮重兵集于堅城之下我  
且膽落則大事去矣桑維翰曰大王勿憂今契丹堅兵未動  
只是曹國舅一人做得甚麼來明日大王親監兵臨戰軍士  
齊心無有不克也晉王從其議即遣人於曹恩軍中下戰書  
約明日早戰自與眾將整理部伍俟候交鋒時曹恩正在收  
集將士在帳中與大將汪虎議曰劉知遠刀法甚熟昨日陳  
文貪戰有失汝眾將再遇交鋒須謹防之汪虎笑曰明日出  
戰必擒此匹夫為陳文報仇忽軍人來報晉王遣人下戰書  
到曹恩召入拆視之即批回與軍人去了曹恩即喚過帳前  
虎賁將劉達分付曰晉國兵堅靠西北而陣汝引步騎一萬  
在隘口埋伏候彼軍出聽號砲起從中殺出吾自有兵來應




曹恩遣兵



劉達領計去了，又喚過張虎口，明月初陣，必知遠先戰汝引入陣中，吾率欽騎從傍擊之，定破晉兵也。在虎歡允而行，曹恩分撥已定，且看下回如何交鋒。

曹恩出馬



大戰延廣

新刻全像按鑑演義南宋志傳卷之二

起唐清泰三年丙申歲唐亡

晉興至晉開運二年乙巳歲

首尾凡十年事實

石敬瑭汴城鏖兵

劉知遠大破曹恩

話說曹恩分遣諸將出戰，欲與北兵決雌雄。翌日平明，鼓罷三通，南北兩陣齊擺開。南旗下曹恩北旗下晉王高坐馬上，以鞭指曰：『汝唐主妄貪天位，棄逐閔帝，親佞臣如腹心，屏退義如寇讎。今日天兵到此，欲伸明宗之靈，以救生民。汝若知命解甲投降，尚不失封侯之位。如不付量，死在目前矣。』曹恩曰：『主上授君河東重鎮，有何相負而反耶？臣食主之祿，當知報效，莫以口舌相闢也。』晉王顧謂曰：『誰出擒此賊？』一將應聲曰：『小將擒之，乃是都指揮使景延廣。』舞戟縱騎，直衝南陣。曹恩舉鎗親迎，兩馬相交，喊聲連天。二人戰上二



晉王敗逃



曹恩追逼



知遠乘風

殺退南兵

十餘合延廣漸漸遮隔不住劉知遠看見躍馬舞刀出陣助戰南陣汪虎綽斧放馬抵住知遠東西南北金鼓齊鳴鏖戰良久汪虎轉馬走入本陣曹恩拋了延廣引兵遶北營而走劉知遠景延廣不知是計揮兵趕入陣中忽號砲響處如半天動個霹靂劉達一走軍從隘口抄晉王後隊汪虎曹恩復勒兵殺回兩下夾攻將晉王圍在中軍延廣見中了計單馬殺回被南兵一矢射中左臂拖戟負痛而走劉知遠奮勇衝突恐晉王有失舍死殺透重圍正見晉王被曹恩追逼知遠厲聲曰不要傷吾主殺近前保晉王望北營逃奔曹恩與汪虎劉達合兵掩擊晉王大敗死者不計其數晉王與知遠殺出圍中後面喊聲不絕曹恩等如風掃敗葉趕來知遠曰大王可脫下黃袍與追兵不識先走吾獨當任追兵晉王依其言即脫御袍換過馬先走正在危急中忽北風大起飛沙走石吹得南兵不能開眼西北一聲鼓响桑維翰引軍從傍殺出保救晉王去了劉知遠乘風勢殺退南兵兩下乃收軍還營此一回晉王大挫一陣若非天意有在竟為曹恩所擒也却說晉王收軍退五十里下寨計點將士傷損者二萬餘人劉知遠等入賀曰此戰若非北風相轉大王幾敗危殆也晉王嘆曰我用兵屢年未見有曹恩能出奇制勝如此今日非眾將齊力退敵必有倒戈之辱知遠曰只得遣人往上党報知契丹王令部兵來救晉王正待發書遣行趙瑩進曰大王不必再調契丹之兵恐勞師動費於軍中不便臣夜來觀星象大王當應此一厄過後無虞南營中黑氣黯黯不久必為大王破之如今之計莫若分遣軍士列四大營嚴設警令各堅守不出待過半月日乘南軍之怠倦出奇兵攻之一戰可收全功也何必更召外兵乎晉王聽罷大喜曰公言深中時



曹恩遣人



捷報唐主

晉兵火焚



唐兵營寨

唐史紀事本末

卷二

七

宜破賊必矣。卽下令着劉知遠、桑維翰、景延廣等各分軍士，列四大營堅守，勿戰。眾將得令，遂各按兵不出。却說曹恩既得全勝，集眾將於軍中，問晉王屯扎何處。哨報晉王退守三關口，部下垂首喪氣，皆不敢出戰。汪虎進曰：「乘其敗亡，出輕兵襲之，使晉兵不暇為謀，必遠遁矣。」曹恩曰：「晉王不宜小覷，只可緩緩圖之。汝眾人須整飭軍器，以待交鋒。」汪虎等各退守本營。曹恩遣人奏捷於唐主。唐主得捷報，不勝之喜，復遣使賫犒軍之物詣軍中。見曹恩曰：「主上以國舅已建大功，賚到犒物，與元帥分用。」曹恩拜受畢，謂使臣曰：「歸奏唐主，雖用深溝高壘嚴設警令，以防晉兵暗襲，使命領命回報去了。是時晉王與曹恩兩下一連十數日不交兵。晉王每遣人打探回報，皆言南軍隄防亦嚴，洛陽城壁堅固難攻。晉王嘆曰：「不想亂朝有此智勇之將，使我計無所施。」劉知遠進曰：「大王何長他人之志而滅自己之威？臣近訪得南兵數日以來各會宴樂，不以戎事經心，只有曹恩部下齊心，其他皆不足懼也。臣更施一計，使南兵盡為齏粉矣。」晉王問曰：「公有何計？」願與孤籌之。知遠屏退左右，近前附口於王耳邊道幾句如此如此。此晉王大悅曰：「公之神算，非他人所能及。」卽下令一邊分遣行事，一邊着各營軍士稱說缺糧，俱裝束為南還之意。消息傳入曹恩軍中。汪虎進說曰：「晉兵糧草皆盡，各營軍士奔回，正可乘其去而追之。」曹恩曰：「晉王詭詐無常，此行莫非用誘敵之計，只宜堅守為善。」汪虎曰：「主帥何怯之甚？彼軍久出無糧，此實情也。豈有詐計？公不出兵，吾引本部追之。」恩再三阻他，不從。汪虎先引本部一萬人馬揚旗鼓噪趕去。恩急遣人探聽晉營回報，只是個空營。及問鄉人，皆說昨夜已走去二十里矣。曹恩亦信卽下令拔寨追趕，將至河南地界，已離洛



知遠斬汪



虎於馬下

馮道開城



迎接晉王

宋史卷一百一十五

陽城一日之程再問人曾見晉兵于此經過否皆言不見曹恩驚疑未決忽哨馬報晉兵暗渡河陽軍馬屯在城下元帥營寨盡被火焚了曹恩聽罷馬上連叫口中了豎子計矣急引兵回望見南營煙焰冲天金鼓之聲四下不絕南兵各各魂飛膽裂不戰自潰劉知遠一支兵當頭攔住曰汝巢穴已被吾破何不納降而求生路曹恩大怒舉鎗直取知遠二人戰上數合不分勝負曹恩無心戀戰刺斜殺開血路而走汪虎隨後奪進被知遠一刀斬落馬下南兵大敗降者一萬餘人曹恩殺到本營又遇晉王阻住曹恩奮勇力戰晉王不下劉知遠復兵殺來將曹恩圍在垓心曹恩左冲右突透不得重圍部下騎兵殺死殆盡恩知自不能保于馬上長嘆曰臣不能報主上恩當繼之以死遂拔出短劍自刎而亡劉達被亂軍所殺南兵死者積屍如丘山血流成河得其輜重盔甲不可勝計晉王乃收兵駐紮城下與劉知遠分南北門攻擊唐主聞曹恩軍敗晉兵急攻城惶惶無計與曹皇后劉太后雍王重美宋審處等携傳國玉璽同上玄武樓使軍士放火將樓焚燒意欲將洛陽宮室盡皆燒毀雍王諫曰新天子且至必不肯露居他日重勞民力營創是死而遺怨於民耳不如留之以待其來唐主依其言遂不焚宮室而焚玄武樓霎時間煙焰漲天火勢飛騰唐主并皇太后雍王等皆燒死樓中帝在位二年壽四十五而唐亡矣後人讀史至此有詩哀之曰

鑿鼓聲高北騎來

洛陽宮室一聚灰

誰期紫冕成烟燼

芳草斜陽總可哀

是日晚丞相馮道率群臣開城門迎候晉王晉王整軍入洛陽唐軍皆解甲待罪晉王謂劉知遠曰汝部署京城分漢軍



晉王坐殿



文武朝見



張允諫止

使歸營宿整頓契丹王館待於天宮寺知遠領命而行城中肅然秋毫無犯次日晉王御宣德殿受文武朝見以馮道同平章事其餘原官各從舊職晉王盡以掌軍事委劉知遠知遠嘗下甚嚴乃設立科禁後忽有軍卒盜人紙錢一幘被捉見知遠知遠曰軍卒犯令當處軍法喝左右推出斬之左右曰所犯者輕請免其罪知遠曰犯令必誅不計其直雖一文亦不恕之也竟押出斬訖於是軍中畏服無敢違令者矣晉主遣使至上党報捷音於契丹主契丹主得報大悅曰我量石郎竟成大事今果然且遂下命與使回奏晉王甚致慰勞之意十二月契丹王辭晉王還國晉王乃遣親臣送至渝關所奉金帛子女輜重甚盛契丹主既歸國改元會同國號大遼公卿百官皆學中國之制仍參用中國人員封趙延壽為樞密使自理國事不題天福三年二月大赦天下張允上疏

晉王頒赦

駁論疏曰

右散騎常侍臣張允切謂帝王遇天災多肆赦宥謂之修德昔有二人坐獄遇赦則曲者幸免直者鞫冤氣升聞乃所以致災非所以弭災也願陛下謹之慎之無輕放赦則下無僥冀之心適足為省刑之一端也晉王覽疏大喜下詔褒賞之先是晉王下議欲遷都於大梁桑維翰進說曰大梁北控燕趙南通江淮乃資用富饒之所陛下若遷都於此誠萬代之基也晉王依其奏遂有東巡之詔七月作受命之寶以受天明命惟德允昌八字為文范延光拒守晉陽桑維翰上治安表八月晉王上尊號於契丹及述律太后差右僕射馮道劉攽二人為冊禮使奉表稱臣於契丹主馮劉領命出朝徑詣北番見契丹主進上表文曰



馮劉辭帝



賈表契丹

光遠領兵



攻取廣晉

臣大晉石敬瑭謹奉表朝賀於 父皇帝契丹可汗陛下  
 臣叨辱聖恩義同父子曩在上党拜別慈光首末三載顧  
 瞻闕下豈勝馳情切謂聖武英明太上皇帝尊太后號徽  
 明柔裕太上皇后仍輸送金帛三十萬匹兩隨表以獻仗  
 取聖旨天福三年七月初五日大晉皇帝臣石敬瑭表  
 契丹主賈表大喜待使臣於別殿次日亦命儒臣作詔慰答  
 詔曰

覽您所奏甚慰老怀今後遣使不須上表称臣只作書稱  
 兒皇帝致書于父皇帝陛下如家人礼足矣善撫中夏臣  
 民永承天休予亦與你有無窮之聞

契丹主寫詔畢復遣報聘使同馮劉回大梁朝見晉主館使  
 者於宣德殿即就別殿拜受詔勅時各鎮皆歸附惟范延光  
 處廣晉不降晉主與群臣議攻取之計桑維翰曰楊光遠部

下精銳陛下命其進取必成其功晉主依奏乃下令着楊光  
 遠為元帥部兵一萬前征光遠得旨即日辭晉主部兵來到  
 廣晉離城五里下營哨馬報入城中范延光集眾將商議曰  
 廣晉城高池深且有二年之蓄我等只要堅壁而守晉兵疲  
 於攻擊俟其志怠縱兵襲之無有不克矣眾入然其言嚴設  
 警令城上豎起旌旗按兵不出光遠遣士卒於各門攻打城  
 上發下弓矢晉兵不能近前將近困着一年不能成功消息  
 傳入大梁晉主與群臣議曰楊光遠兵出踰年范延光嬰城  
 而守致令師老民困汝眾臣有何高論劉知遠曰范延光悞  
 得罪於朝廷故與部下死守其城如今之計莫若降使詔赦  
 之復與重鎮延光若聞是命必開城投款使王師指日而解  
 也晉主曰此策雖高爭奈無人通得延光生憲出奏曰臣與  
 延光幼年相識願奉詔入城招撫晉王大悅即遣朱憲奉詔



范延光等



赴闕謝恩

知遠趨朝



頓首謝罪

前從宋憲承命徑趨廣晉城下時守軍報知延光延光即令人開門放入軍中相見畢延光問曰父別尊兄又數年矣不知到此有何高論宋憲曰某今事晉主居內職近聞將軍雄守廣晉主上遣我奉詔道知若將軍舉兵來附當以大鎮相處若降而殺將軍曰日在上無以享國矣此我主上之的詞也延光得詔命大悅以手加額曰主上重信義許以不死則吾無憂矣乃撤去守備遣牙將隨宋憲奉表待罪晉主覽表復降詔赦之授范延光為西京留守兼天平節度使仍賜鈔券將佐除授防團刺史以下牙兵陞為侍衛親軍調回楊光遠軍馬加授光遠為天雄軍節度使又賜玉帶御馬范延光等既受命各赴闕謝恩不在話下自是四方寧息百姓樂業晉主日與劉知遠桑維翰等商議治安之策改汴州為開封府號東京晉主恐契丹為後世之患乃命劉繼勳鎮檀州高行周為鄴都留守王延胤為彰德節度使王周為永清節度使欲以陰防契丹也天福四年加劉知遠杜重威二人同平章事恩命既下知遠曰思重威起自外戚素無大功因耻與同列乃絕門不受命晉主聞知大怒謂趙瑩曰知遠故拒制命朕今削他軍權與卿鄉里看他如何待我趙瑩奏曰陛下昔在河東兵不過五千人為唐軍十萬所攻危如累卵若非知遠心如金石怎成大業奈何以小過棄之切恐此語外聞非所以彰人君之大度也晉主怒解遣和凝詣知遠府中諭言知遠惶恐受命次日知遠趨朝謝罪晉主曰朕非以爵祿私授於人緣卿實稱此職故以重威相副也卿何固辭焉知遠復頓首稱謝遣比都留守安彥威入朝晉主曰朕所重者信與義昔契丹以義救我今以信報之聞契丹徵求不止公能屈節奉承甚稱朕意彥威奏曰陛下以生靈之故犹卑



承貴引兵



戰范延光

帝召臣議



維翰上疏

辭厚將以事之臣何屈節之有晉王大悅宴之於宣德殿群  
臣及新降將帥各預其席是日歡散次日杜彥威等趣朝謝  
宴西京留守出班奏曰臣自歸朝廷未解戎事願乞歸河陽  
私第省親父母一面再赴闕以事陛下晉主許之延光即日  
拜辭晉主引從軍徑回河陽時夏末秋初延光在路上行了  
數日到汾陽界歇下鎮汾陽者乃是楊光遠人報知有范延  
光辭朝歸河陽省親路經此過光遠聽得與眾人議曰范延  
光叛臣况我受命征討費一年之力今放之入敵國必不來  
也乃遣其子承貴帥甲士邀伏路中殺之承貴得令即引甲  
士五百人將延光居舍圍了人報知延光延光怒曰天  
子賜我鉄券許還私第汝父子何人得半路邀害於我即披  
甲持兵器出與承貴相併二人戰上救合延光雖勇終是眾  
少敵不過退步便走被承貴驅甲士趕至汾河口擁落水  
中而死承貴回報光遠光遠奏朝廷說范延光過汾陽赴水  
身死朝廷說范延光過汾陽赴水身死朝廷雖知其冤怕光  
遠之強不敢詰問後人詠史詩曰

鎮臣分統勢盤桓

人王嗟無制命權

殺伐自專罪可逭

封疆何以息爭端

却說契丹主既得中國割十六州之地與其掌管貪虐無厭  
軍民抱怨欲反歸中國鎮州成德節度使安重榮屢逆拒之  
因捉得契丹奉使拽刺上表奏晉主道今有吐谷渾西突厥  
渾契苾沙陀等皆言被契丹侵暴願各率部眾歸附欲與契  
丹決戰晉主聞奏大不悅召群臣商議桑維翰執簡當胸上  
疏奏曰

疏曰臣維翰切謂善兵者撫綏而發不善戰者彼已不量  
伏惟 皇帝陛下免於晉陽之難而有天下皆契丹之功



維翰上疏



晉主大悟



宣讀帝詔

不可負也。今重榮恃勇輕敵，吐渾假手報仇，皆非國家之利，不可聽也。臣觀契丹士馬精強，戰勝攻取，其君智勇過人，其臣上下輕睦，牛馬蕃息，國無天災，此未可與敵也。且中國新敗，士氣彫沮，又和親既絕，則當發兵守塞，兵少則不可以待寇，兵多則饋運無以繼之。我出則彼歸，我歸則彼至，臣恐禁衛之士疲於奔走，鎮定之地無復遺民。今天下粗安，悉民困敝，靜而守之，猶懼不濟，其可妄動乎？契丹與國家恩義非輕，信誓甚著，彼無間隙而有啓釁端，就使克之後，患愈重，萬一不克，大事去矣。議者以歲輸幣帛，謂之耗蠹，有所卑遜，謂之屈辱，殊不知兵連禍結，財力將匱，耗蠹孰甚焉？武吏功臣過求姑息，屈辱孰大焉？臣願陛下訓農習戰，養兵息民，俟國無內憂，民有餘力，然後觀釁而動，則必成矣。况繁都富強，國家藩屏，今主帥赴關，軍府無人，今陛下畧加巡幸，以杜姦謀，冒昧謹言，伏取勅旨。天

重榮跪聽

福六年六月日，秦寧軍節度使臣桑維翰謹疏。晉王覽疏猶豫未決，劉知遠復力奏曰：兵者易動而難安，陛下若執此行，是使傷痍之民復趣死地也。晉主大悟，遂下詔諭安重榮，不可輕啟兵端。因謂知遠曰：安重榮強悍，久必欲反，孤除卿為北京留守，為朕鎮撫其民，陰以制之。知遠受命，即日辭帝而行，不題却說安重榮正在鎮州，待候朝廷消息。人報天使實詔來到，重榮出帳跪聽，宣讀詔曰：吾因契丹得天下，尔因吾致富貴，吾尚不敢忘契丹之德，尔乃忘之耶！今吾以天下臣之，尔欲以一鎮拒之，不亦難乎！宜審思之，毋取後悔。重榮得詔，愈驕慢，打聽得山南東道節度使安從進有反意，密遣人與通結，為外援，從進回音許之。重榮大喜，在鎮招軍。



知遠發兵



討安重榮

承福帥眾



歸劉知遠

買馬却說克日舉兵向關消息傳入東京晉王大驚亟聚眾  
臣商議趙莹奏曰安重榮欲謀反久矣此行非北京留守他  
人不能擒也晉王允奏遂下命着劉知遠發兵討賊使臣領  
旨徑詣北京傳示知遠既受命先見齊王重貴道知其事重  
貴曰公朝廷社稷臣也軍事許專行之不必稟知知遠退歸  
軍中集部將商議曰安重榮藩鎮最強者今既謀反朝廷命  
我出兵討之計將安出郭威進曰安重榮之反本恃吐谷渾  
酋長白承福為援若得承福來降重榮一鼓可擒矣知遠曰  
何以得他來降威曰虜人惟好利多以金帛稱朝廷之命賜  
之必可致耳知遠大喜即出府庫金一百兩絹二百疋使威  
賈往賂之郭威慨然請行徑詣白承福軍中宣示其詔曰  
大晉皇帝詔諭吐谷渾酋長白承福等朝廷已割爾曹隸  
契丹爾曹當自安部落今乃南來助安重榮為逆重榮既  
為天下所棄朝父敗亡爾曹宜早從化勿待臨之以兵而  
北無歸悔無及矣

白承福得詔大惧帥眾隨郭威來歸劉知遠知遠大喜安置  
於大原嵐岷表聞於朝廷晉主降旨授白承福領太同節度  
使收承福部下精騎充知遠麾下鞬鞞契苾聞之亦率部下  
叛重榮歸晉

劉知遠平定鎮州 景延廣相命契丹

却說安重榮聽得朝廷命知遠來討又報白承福等歸中國  
大驚與牙將祖酌忠議曰吾反謀已露虜眾已皆歸朝廷劉  
知遠善知兵者倘來困城何以禦之酌忠曰將軍事到其中  
寧肯束手就擒乎只得約安從進出兵許事成後與之割分  
中原彼必為將軍致力也重榮依其言就一邊差人約從進  
發兵接應一邊整頓軍馬迎敵哨馬報入知遠軍中知遠謂



從進忿怒



大戰郭威

高行周射



死安從進

郭威曰安重榮部下懦弱之徒今又通安從進為援不知從進亦井底之蛙耳吾稟齊王先擒安從進然後取鄴都不難也郭威然其計知遠入見齊王道知其事齊王曰公所見甚明然事机亦宜密不可使敵人互相援助也知遠出于軍中分遣郭威為前鋒高行周為救應自為合後統領雄兵三萬克日離北京望山南東道征進哨馬報入山南安從進大驚即部領馬步軍一萬出城十五里胡燕口屯扎劉知遠人馬對壘安營次日兩下各擺開陣勢南陣郭威持刀躍馬立于門旗之下北陣安從進全身披掛手執長鎗于馬上問曰我鎮山南東道與朝廷無侵犯何以加兵來此郭威罵曰汝與安重榮三相通謀作反今天子命將征討汝輩知罪急下馬投降以求寬宥况敢部眾拒敵而尋死路取從進大怒挺鎗躍馬徑奔郭威郭威舞刀還戰兩下金鼓齊鳴納威連天

人戰上數合郭威佯走入陣從進勒馬追來高行周在軍中望見弯弓架箭覷定從進項下發來正中其穴從進奮身落馬郭威回馬再復一刀安從進死於非命劉知遠驅後軍掩擊及降其眾遂平定了山南東道駐軍於胡燕口首紀高行周郭威之功與眾將議曰仗諸君之力一鼓而破從進之眾乘此破竹之勢因兵襲取鎮州重榮聞知從進兵敗膽先落矣豈暇為謀乎郭威曰明公此論甚妙須宜即行知遠仍將軍馬分為前後隊徑趨山北出鎮州之南望鎮州不遠駐下營柵却說安重榮正遣人探聽山南消息回報安從進被晉兵所殺即目大軍臨城不遠安重榮聽罷大驚曰兵來何恁速耶即與祖酬忠部兵出戰遙望見晉兵旌旗蔽日殺氣凌空郭威前鋒已到列下陣勢出馬與安重榮打話北陣祖酬忠舞刀縱騎先戰兩馬相交二人聞到深處有詩為証



郭威活捉



耐忠回營

晉王命將



重榮取斬

血浸長城骨似銀 問人云此是征屯  
從軍未得封侯印 枕月戈頭不顧身

郭威倍起精神，戰着耐忠未及數合，郭威輕舒猿臂，將耐忠活捉於馬上。安重榮躍馬舉方天戟來救，高行周一騎飛出，大叫曰：賊將休走！二人兵器並舉，戰上十數合。安重榮氣力不加，勒馬砲回本陣。知遠後軍望見，揮兵掩擊，鎮州兵大敗。死者不可勝計。安重榮走入城中，堅閉不出。知遠收軍屯扎於鎮州城下。郭威縛解祖耐忠入見，知遠知遠曰：都是汝眾人同謀造反，喝令押出斬之。軍校斬訖，將首級懸于城下。號令知遠分遣諸將各門攻打。安重榮在城中垂首喪氣，再不敢出兵。被晉兵一連困住二十餘日。時十一月天氣城中柴米皆盡，凍餓死者二萬餘人。天福七年正月，鎮州牙將胡衍將西郭水碾門引官軍入城，郭威執銳先登，殺胡衍。一萬人重榮走匿民家，被官軍捕捉得，急民家獻入。知遠軍中知遠命將檻車囚起，安撫百姓。翌日下令班師，大軍離鎮州。正是馬敲金鐙響，人唱凱歌還。劉知遠回到北京，將人馬屯扎城外。次日入見齊王，諫知遠平復二處叛臣。今已班師齊王大喜，即令知遠分隸各軍。知遠既退，齊王遣人解安重榮赴東京問罪。軍校領命解押重榮來到京師，朝見晉王。晉王會集群臣面責其罪，曰：朕何負於汝，汝妄生邊隙，結連進謀反。今從進安在？重榮低頭無語。晉王下令命將重榮押出街市，斬訖，將首級函貯。即日遣使齎往契丹王謝罪，使臣領旨賈送到大遼朝見契丹王。奏知中國天子以及臣安重榮妄起兵端，有犯大國。今王上遣臣送其首級來謝望皇帝念前德赦其不恭之罪。契丹王怒曰：朕郎為天子，從何得進？今聽佞臣之言，便忘我舊恩，汝歸奏知石郎，吾帶甲之兵不下二十

萬。人重榮走匿民家，被官軍捕捉得，急民家獻入。知遠軍中知遠命將檻車囚起，安撫百姓。翌日下令班師，大軍離鎮州。正是馬敲金鐙響，人唱凱歌還。劉知遠回到北京，將人馬屯扎城外。次日入見齊王，諫知遠平復二處叛臣。今已班師齊王大喜，即令知遠分隸各軍。知遠既退，齊王遣人解安重榮赴東京問罪。軍校領命解押重榮來到京師，朝見晉王。晉王會集群臣面責其罪，曰：朕何負於汝，汝妄生邊隙，結連進謀反。今從進安在？重榮低頭無語。晉王下令命將重榮押出街市，斬訖，將首級函貯。即日遣使齎往契丹王謝罪，使臣領旨賈送到大遼朝見契丹王。奏知中國天子以及臣安重榮妄起兵端，有犯大國。今王上遣臣送其首級來謝望皇帝念前德赦其不恭之罪。契丹王怒曰：朕郎為天子，從何得進？今聽佞臣之言，便忘我舊恩，汝歸奏知石郎，吾帶甲之兵不下二十



晉王託孤



馮道受命

齊王即位



文武朝賀

萬眾若再如此徑提兵來中原另立他姓為王矣使臣應命連夜回見晉王將契丹主之言一奏知晉王聞奏退入宮中自是憂憤成疾累日不視朝大臣馮道率文武入侍寢問候晉王令幼子重睿出拜馮道又着宦官抱重睿納于馮道懷中欲使道輔立之意帝謂道曰卿乃國之元臣當竭誠輔佐後王勿負朕志馮道頓首受命晉王遍觀眾臣皆非宰相之器長嘆曰黎民不得觀太平殆非天意歟言訖而崩時天福七年六月也在位七年壽五十一後人詠史詩曰

堂堂中國忍臣夷 屈節卑辭失遠貽  
不出半地宗社絕 看將遺事亦堪悲

次日馮道會集眾臣與侍衛步都虞侯景延廣議曰國家多難宜立長君方能以定禍亂延廣曰公言谷國之大朕并無異議矣馮道因遣使往北京奉迎齊王來宮即皇帝位於此

前翌日御宣德殿受文武朝賀立其叔母馮氏為皇太后政事悉委景延廣掌理遣使告哀於契丹王景延廣曰致書與契丹稱孫足矣奉表稱臣其禮太過眾臣皆以不可違先帝之命晉王猶豫未決李崧力爭曰陛下如此他日必躬擐甲胃與契丹交戰悔無及矣延廣固持其議馮道曰奉表稱臣中國之制致書稱孫先帝之典二者皆可行也晉王遂從延廣所議致書不稱臣而稱孫使臣領命徑詣大遼進上其書曰

孫石重貴表奏 契丹大國可汗祖皇帝陛下今遭不幸先帝崩逝孫幼嗣君位當以哀制告知伏惟 陛下念孫未諳治艱凡事草創其有不恭寬孫斧鉞冒昧奏聞伏候報下

契丹王看罷大怒曰豎子纔得志便敢侮慢孤耶乃遣回圖



契丹覽罷



晉表大怒



帶與契丹

全宋南史志傳

使喬榮為使奉詔入中國見晉主諭旨曰

先帝得契丹而為天子年供歲幣往來通好以子事父之禮不失信義今汝即位便自尊大有負前約豈以先帝不及於汝耶若以中原太平早修舊盟位傳永遠如聽執政之言有忤大國兵戈臨日悔之無及

晉主得詔以示群臣景延廣出奏曰契丹妄自尊大辱凌中國陛下宜拘其使囚之看他如何趙堂李崧等力言契丹不可負恐生邊釁為患莫測晉主從其議乃赦喬榮慰諭之使歸國榮臨行去辭景延廣延廣大言曰宋歸告汝王先帝為北朝所立故表稱臣今主上乃中國所立所以屈身於北朝者正以不敢忘先帝之盟約故耳為鄰稱孫可也萬無稱臣之理翁怒則來此孫有十萬橫磨劍可以相待翁若輕舉一為孫所敗取笑於天下勿貽後悔喬榮乃詐言公之言

光遠獻玉

語頗多怕有遺忘願以紙筆記之延廣命吏悉寫所言與喬榮喬榮得了詞書即出漏夜回大遼以呈契丹主契丹主目罷大怒曰若不擒此匹夫以雪吾憤無以取信中國也遂議舉兵伐晉初晉主有疾亟召劉知遠入朝欲托知遠輔政重貴寢其命不遣使宣召降勅改鎮河東因此知遠怨望新王知延廣必虛言召禍但募兵增置十餘軍為守備之計却說景延廣專秉朝政貪受賄賂聽得平盧節度使楊光遠有玉帶御馬遣使以詔命取之光遠得詔大怒曰此帶與馬是先帝親賜與我景延廣何以強來問我取討因與心腹人丘濬商議此事丘濬曰景延廣當朝權臣將軍不與禍必及身不如反殺契丹獻此物與之當得重位矣光遠然其言遂決意作反將使命殺了奔投大遼見契丹主獻上玉帶金帛契丹主大悅表光遠為行營節度使光遠拜受命因奏曰晉境大

二

附



契丹延壽



將兵入寇

北兵入城



吳亦投井

八代後南宋志傳

飢乘此攻之一舉可取趙延壽亦從勸說舉兵伐晉契丹主  
意決乃揀精兵五萬使趙延壽為監軍楊光遠為卿導趙延  
照為前鋒克日舉兵親征契丹率大隊在後契丹曰若得中  
國立汝為帝延壽信之即日領軍馬就道值十一月天氣凍  
雲作雪朔風吹草比軍望貝州征進有詩為証

茫茫塞草盡荒坵 不覺青春又白頭  
來往利名何日了 古今爭戰幾時休

開運元年正月契丹前鋒趙延壽將兵入寇屯扎貝州城下  
守貝州將吳巒引兵出城迎敵兩陣對圓北陣趙延照當先  
出馬手執大刀南陣吳亦赤引騎舉鎗立于門旗之下吳亦  
問曰南北各有界限汝何故舉兵來侵趙延照曰爾王負義  
特來問其罪耳言罷舞刀躍馬直奔吳亦赤舉鎗交還兩  
馬相接軍器並舉二人戰上十餘合楊光遠引軍橫擊其軍

吳亦力不能敵勒馬走回城中延照揮兵掩殺南軍大敗楊  
光遠乘勢攻入城中吳亦奔走無路赴井身死趙延壽遂襲  
了貝州遣人迎接契丹王車駕入城駐札

皇甫遇大戰遼兵 安審琦潰圍破敵

邊報奏入東京晉王大驚即召群臣議曰貝州水陸衝要之  
地錢糧聚積為大軍數十年之儲今被契丹所據甚非朝廷  
之利也景延廣奏曰高行周智勇雙全陛下委之以重任御  
駕親拒北兵必保萬全晉王允奏乃遣高行周為保駕都部  
署符彥卿皇甫遇等率兵五萬以退契丹高行周得命即日  
整理兵戎俟候出兵不題却說契丹王兵屯貝州召集部下  
商議趙延壽曰中原善用兵者莫如劉知遠今鎮守太原若  
知我軍在此必然出兵斷吾之後則前有堅兵後有勁敵我  
眾首尾受敵必致擒也陛下宜遣將部軍攻太原使知遠為



郭威出陣



大戰偉王

漢璋斬魯



阿台落水

上象一兩宋志傳

二

廿六

自守計可保無後顧之憂矣契丹王然其計即分遣偉王統帥軍馬一萬前取太原偉王得旨徑引兵來到太原于秀容縣北下寨旌旗蔽野聲勢甚盛哨馬報入劉知遠軍中知遠即召眾將議戰郭威曰契丹堅兵在貝州偉王懦弱之徒不足懼也知遠曰汝先見初陣吾引軍馬出山南兩下夾擊必取勝矣郭威慨然請行次日兩陣齊開北旗下偉王舉鎗縱馬出戰南陣郭威全身貫帶舞刀躍馬喝聲狂虜不知時勢敢來侵犯太原早早退兵免致擒戮偉王亦罵曰汝主背負前約特引兵來伐若知順逆作急開城納降不先前職郭威大怒縱騎舞刀直取偉王偉王舉鎗交還二人戰上十餘合忽山南喊聲大起劉知遠一支軍從後殺來偉王大驚拋了郭威勒轉馬殺回本陣正遇劉知遠當頭截住只一合將偉王斬落馬下北兵大敗降者無數知遠遂趕十五里奪其輜重而還敗兵走歸貝州報知契丹王契丹王大驚曰彼兵若出吾無殫身之地即下令將城中積聚盡裝了拔營離貝州望戚城遁去了却說晉王軍馬到北津前鋒將李守英皇甫遇符彥卿等綠河水陸並進亦到戚城二十里下營晉王聽知契丹兵在戚城下令諸將急進皇甫遇部兵先到河西遣人緝探北兵消息回報契丹人馬聞知南軍來到正待渡河迎戰皇甫遇即遣梁漢璋率步騎五千人埋伏河岸乘其半渡而擊之漢璋引兵去了皇甫遇自領馬軍接應契丹軍馬正渡河未盡梁漢璋伏兵沿河並起北兵大驚進退不迭梁漢璋驟馬舞刀從河岸邀殺北將魯阿台當先迎戰被漢璋斬落水中皇甫遇後軍繼進契丹大敗溺河而死者數千人俘斬數千人河干之兵慟哭而去有詩為証

兵潰河西戰氣收

填河溺死水壅流



契丹王與



行周平戰

趙延壽勸



契丹進兵

宋史卷一百一十五

英雄已謝山川舊

兩岸蕭蕭野草愁

晉王聞報前軍已破契丹戚城圍解不勝之喜大軍進駐澶州下令諸路將帥追擊契丹契丹敗走河西却於古損丘城田各地設馬軍埋伏以防晉追軍晉軍因霖雨不止更不追擊契丹人馬飢疲惶惶無計趙延壽進曰晉軍悉在河上畏我鋒銳必不敢進不如就其城下四合攻之奪其浮橋則大事成矣契丹王從其議自引十餘萬衆屯於澶州城北太師溫屯西南旗鼓相接聲勢甚盛南將高行周率衆將來戰北將趙延照舉鎗躍馬先出符彥卿舞斧縱騎迎戰兩馬相交南北喊聲大振一人戰上二十餘合不分勝負契丹王全身披掛綽刀跑馬自引精兵當在中軍而來南帥高行周勒馬舞刃飛出抵住一陣兩下鏖戰自午戰至日晡兩下勝負未分乃收軍還營契丹王望見晉軍之盛責楊光遠曰你道晉兵半已餓死今何其多也光遠懼不敢應次日趙延壽復勸契丹王進兵契丹王自以精騎左右突陣晉兵萬弩齊發飛箭如雨下四面伏兵齊起皇甫遇符彥卿各出兵遶擊其西北營北兵大亂悉棄戈而走契丹王勢力不敵引部下拔營走去以楊光遠屯青州以防追兵晉王聽得契丹王退去乃命高行周留鎮澶州遂班師歸大梁朝廷因契丹入寇府庫愈竭後遣使者三十六人分道括率民財使者請曰民不從命則將若何晉王曰朕封劍授汝等不用命者先斬而後奏以此吏卒携鎖械刀杖入民家督趣急如星火求死無地百姓驚擾皆不聊生八月桑維翰再秉朝政以劉知遠有保太原功加封行營都統杜威爲招討使督率十三節度使以備契丹一日晉王設朝問群臣曰近日曾附契丹入寇者是誰當首其罪景延廣恨楊光遠不與王帶御馬出班奏曰楊光遠

二

廿



楊承勳斬



丘濬納降

守貞遣人



刺殺光遠

公在象南宋志傳

以中國之情謀通契丹以危社稷罪不容誅陛下可發兵討之晉王允奏乃下命遣李守貞為監軍率兵二萬伐之詔命已下李守貞即部兵揚旗鼓諜來到青州將城圍了楊光遠大驚一面遣人求救於契丹主一面點集民兵嬰城而守被晉軍一連困了一月城中食盡死者大半契丹援兵不至光遠計無所出遥望北地稽首拜曰皇帝皇帝悞光遠矣其子楊承勳勸光遠納降以保全家族光遠曰若從契丹尚有全生之理若降晉王難保赤族之誅承勳自思吾父之友乃判官丘濬勸之也不如先斬此賊以圖後計即出將丘濬斬了遣人將首級送於李守貞軍前報知次日大開城迎降守貞仍上表待罪光遠居私第不出晉王得表與群臣議曰楊光遠罪大而承勳歸命難於顯誅朕將命守貞以便宜從事群臣皆奏陛下此論正合其宜晉王乃遣使詣青州諭守貞得旨密遣人刺殺楊光遠於驛中詐稱病死奏知晉王晉王授其子承勳為汝州防禦使十二月契丹復大舉入寇越延壽為向導引兵十五萬先至邢州駐營邊報奏入大梁晉王知道乃命天平節度使張從恩鄴都留守馬全節獲國節度使安審琦會諸道兵以拒契丹詔命既下張從恩等會集諸道軍馬共二十萬陳於相州安陽水南岸列長陣以防攻擊馬全節召諸將計議出兵皇甫遇曰契丹堅兵屯邢州我以輕騎數千先視其動靜然後徐議進取全節曰公見甚善再得一入同往更美道聲未罷濮州刺史慕容彥超出曰小將願與同往全節大喜與之約曰二公此行若過期刻我自有兵來應皇甫遇二人引了輕騎掩旗息鼓直出邢州但遇伏兵且戰且行至榆林店契丹大軍倅至金鼓振天喊聲動地二將私自謂曰彼兵甚銳今若走必被擒矣乃以步軍布為



延照與皇



甫遇力戰

沈斌開城



逆擊北兵

後宋史卷一百一十五

圓陣以待比將趙延照當先出馬南陣皇甫遇舞刀迎戰二人鬪上十數合不分勝負契丹自引騎軍繼進慕容彥超奪勇力戰自午至未戰上百餘合殺傷甚衆皇甫遇血映袍鎧與北將鏖戰不已坐馬中流矢而倒持刀步戰北兵漸漸逼近勢將危急其僕杜知敏見了即跳下馬以所乘與之皇甫遇得馬回顧知敏已被北兵擒去遇曰知敏義士救人於急難不可棄也與慕容彥超躍馬突入契丹陣中救取知敏以歸契丹下令各營出兵有生擒南將二人者重賞軍中得令併力圍合而來矢如飛蝗萬馬齊奔南騎折去大半二將曰吾屬勢不可走當效死以報國耳因力戰不退日已向暮馬全節在安陽驚曰皇甫遇等探兵不歸安審琦曰過期多時矣若不救必有疎失我當率兵以往張從恩曰虜衆猥至盡吾軍恐不足以當之公輕身而往徒餒肉虎口耳審琦曰成敗天也萬一不濟當共死王事設使虜不南來坐失皇太師我等何面目以見天子遂率所部一千餘人泅水而進正遇虜將阿魯速追逼二將來到安審琦大呼向前一刀斬阿魯速於馬下殺散追兵保皇甫遇而還二人歸見馬全節道與虜大戰之事全節曰虜衆甚盛可奏知晉王待御駕親來然後徐議迎戰衆然其言乃按兵不出近臣奏聞晉王晉主下命親征即日車駕離大梁却說契丹王榆林店之戰折去大將二員甚不滿意趙延壽奏曰勝負兵家常事彼軍亦有損傷何必重憤近報晉王親來監戰陛下可引兵向祈州取其聚積以充軍費契丹王從其言乃遣羸弱之卒先驅牛羊過祁州城下密將精騎埋伏於後契丹分遣已定拔寨起行祁州刺史沈斌望見契丹人馬過城下發兵逆擊之忽虜營號砲併發趙延壽帥精騎殺來沈斌閉城不出延壽引契丹急

二十一



沈斌爲國



攻之斌在城上延壽躍馬在陣前招誘沈斌曰契丹大國傾  
兵而來使君會事之時早來歸降萬一不降城陷食盡又將  
安歸斌厲聲答曰侍中父子失計陷身虜庭忍帥犬羊之醜  
以殘父母之邦不自愧耻友有驕色何也沈斌乃折矢盡終  
爲國家効死耳肯效侍中所爲耶延壽低頭無語次日攻破  
其城沈斌自刎而死靜軒有詩贊曰

兩國圖王宗社重 一身爲國羽毛輕  
當時勿死猶常事 留得轟轟烈烈名

自刎而死

契丹既下祁州得降卒二千餘人遣哨馬緝探晉兵消息回  
報晉王駕出安陽督諸道兵而進離祁州不遠契丹王聞報  
下令着趙延壽引騎兵五萬出白溝一路趙延壽引馬軍五  
萬出泰州自引大隊與太師溫出白團衛村俱在定州會齊  
趙延壽等得令各分兵去了

李守貞大



戰阿台渾

却說晉帥杜威率諸道軍會于陽城問北兵動靜有新降者  
言契丹兵分三路而來明日當至杜威聽得頗有畏懼召諸  
將議決戰之策李守貞曰馬全節等擁衆在安陽欲俟王上  
出兵乃進今虜騎將逼陽城元帥受國重寄豈可以虜戰待  
車駕哉明日我等當效死報國耳杜威依其議下令整戎伍  
翌日與契丹會戰衆軍得令各各準備迎敵次日平明晉兵  
旋欲結陣望見契丹軍馬旌旗蔽日殺氣凌空如山勢圍合  
而來李守貞率部軍當先迎戰遇虜將前鋒阿台渾兩下力  
戰未分勝敗晉兵人馬饑乏退至白團衛村各埋鹿角爲行  
寨遇契丹主一路軍馬來到圍之數重又出奇兵抄寨後斷  
絕晉軍糧道晉軍營中掘井輒崩人馬俱渴杜威諸將戒軍  
士莫出死守寨壁忽大風從東北而起飛砂走石南北營旌

杜威會衆戰契丹

晉王遣使通和約

三

二

七



李守貞大



戰太師温

旗吹柝無救契丹王登戰臺下駢騎兵衝突其營自執短劍與晉軍合戰放火揚塵以助其勢晉軍中皆憤怒大呼曰諸招討何不出戰杜威曰待風勢稍定然後出兵守貞曰彼眾我寡風沙之內莫測多少惟力闢者取勝此風乃天之所以助我也若俟風止我軍見契丹之盛必奪其氣吾屬無遺類耳即厲聲大呼曰明公善守營柵吾率諸軍退虜即綽刀躍馬直衝北陣與太師温兩下鏖戰此一場廝殺非是小可有詩為証

鼓角齊鳴戰陣收

殘戈斷戟覓封侯

征雲殺氣漫天黑

野草閑花滿地愁

二人力戰數十合不分勝敗有馬軍排陣使張彥澤亦欲待風回然後接戰右廂副使樂元福曰今軍中飢渴已甚若待風回吾屬盡被擒契丹謂我不能逆風以戰宜乘其不意急

彥卿斬禿



兇於馬下

擊之此兵之詭道也彥澤把捉不定符彥卿力言左軍已與契丹交戰設使束手就擒莫若捐軀徇國乃與樂元福各率精騎出西門迎戰北陣趙延壽三路兵合與元福軍器相接交馬便戰虜將兀木禿兇揮戈突衝南營止遇符彥卿突到只一合將兀木禿兇斬落馬下杜威彥澤守東南營見眾將鏖戰不止各出兵逆風斬陣而入契丹前軍稍退風勢轉急白晝昏晦如夜彥卿驟馬橫突契丹中陣又遇虜將阿刺魯一騎殺來彥卿揮刀斬之趙延壽太師温見晉兵精銳各爭騎先走杜威驅兵掩殺四下聲動天地北兵大敗死者不計其數奔潰之勢如山崩海倒守貞下令喚步軍盡拔去鹿角前後追襲契丹部下鉄鷄軍既已下馬荒忙不能復上委棄頭足器械塞滿郊野契丹走退四十餘里諸將請乘勝急追杜威揚言曰逢虜犬勢軍馬幸喜得勝尚要窮追之耶守



晉主班師



駕還大梁

獵犬至殿



野狐退走

貞曰人馬俱渴暴得水飲脚軟難以追賊不如且退於是收軍退保定州却說契丹主大敗奔至幽州收拾潰軍折去人馬一十萬馬畜軍器破折始盡太憤曰吾自舉兵以來未有如此敗刃乃杖漚長下百人責其不用心力戰趙延壽進曰敗乃勝之機晉人以此戰為利將必怠於戎事陛下暫還本國蓄養精銳待秋高馬肥復大舉南下戰定能成功也契丹主從其議率餘軍還回本國去了晉主駕在安陽聽知杜威等戰勝下命諸將分守要衝以防契丹再來即日班師還大梁正是

一戰契丹歸漢北

軍中齊唱凱歌回

晉主既回皇城一日設朝忽小殿直館奏曰御榻上有一老狐拱坐于上晉王大不樂喚殿前宿衛將軍各挾弓矢有能射中老狐者賞黃金三十兩宿衛諸軍得旨舉箭競發被老

狐逐走一將拾其弓矢回射一箭正中晉主衣袂帝急打捕司牽得獵犬至殿前狐且緩緩退走傍若無人晉主憂悒不知所為桑維翰執笏奏曰狐升御座不祥之兆契丹以不得志而去歸國再舉其謀必不可測如今之計莫若卑辭下禮遣使通和庶使兩國休兵生靈免塗炭之禍惟陛下留意焉晉王曰朕終夜不寐亦思及此聞卿所奏如喚醒迷塗爾決意與大臣商議遣使得兩下休和安邊息民皆卿之力也桑維翰令學士院草表進呈晉主晉主遣馮子金為使詣契丹進上其表曰

晉國皇帝孫石重貴謹遣使馮子金賫表一通上奏契丹大國祖皇帝陛下晉之得國實荷大朝福蔭得至今日往者姦臣趙德鈞父子構結姦謀睽間大國使祖皇帝親帥大軍問罪小國連年兵燹生靈肝膽塗地祖皇帝知之必



契丹王覽



表對使罵



杜威遣人

緝探契丹

垂哀憫今遣使奉表大朝請修先皇帝舊年和好使兩國  
休兵息民普修姪孫事祖之禮不敢廢慢皇天后土實聞  
此言少渝此盟先皇帝在天之靈必不怒也伏惟勅旨晉  
國皇帝表

契丹王泚表覽罷踞坐對使者罵曰晉朝負盟吾必舉兵伐  
之以雪定州之耻也述律太后見契丹王怒乃謂之曰使漢  
人為胡王可乎契丹王曰不可太后曰汝何故欲為漢主契  
丹王曰石氏負恩不可容耳太后曰汝今便得漢地亦不能  
為中國主也萬一有失悔將何及契丹王怒乃息命宴待馮  
子金次日子金入辭契丹王契丹王曰爾回傳示大晉皇帝  
道我可憐石郎小心不欲絕他宗嗣還和之請怎不可從但  
得景延廣桑維翰二公來面証盟約仍割鎮定兩道屬我則  
可和矣馮子金領命回見晉主將契丹傳示一一奏知晉主

聞奏知契丹王有怒料其無和意遂不遣景桑二人北行道  
天雄軍劉延翰上表奏曰有招收指揮使方簡反投契丹欲  
乘中國凶饑引契丹入寇乞陛下早為之備晉主聞奏乃下  
詔以杜威為都招討使李守貞為副趙莹奏曰杜公國戚貴  
為將相而所欲未厭心常快快豈可復以兵權與之不若止  
任守貞為愈也晉主不從十月下勅榜云

榜曰大晉專發大軍往平黠虜先收瀛莫安定關南次復  
燕薊盪平塞北有能擒獲虜王者除上鎮節度使賞錢萬  
緡緡萬疋銀萬兩

却說杜威既受命即日部領人馬離大梁浩浩蕩蕩到冀州  
下營遣人緝探契丹消息回報契丹部眾出定州駐營于泚  
沱河南岸杜威乃集眾將議拒敵之計張彥澤進曰契丹兵  
屯河岸將趨恒州而來邀戰也明公宜急渡河先出恒州使



彥澤杜威



議破契丹

蕭翰等奪



李穀糧草

契丹計阻此取勝之道也威然其言即日下令將軍馬分爲前後隊密密渡過滹沱河築壘於東岸與契丹營相望翌日契丹主見晉軍已渡河乃曰吾料彼衆一時未到今已先我而來使吾計不成殆天意也趙延壽曰主公勿慮吾聞王將者乃杜威此人惟利是愛不知戰術此來決無得志契丹主然之兩下相拒二十餘日各不出兵晉刺史李穀進說曰今大軍去恒州咫尺煙火相望但多以三般木置水中積薪布至於其上橋可立成密約城中舉火相應夜募壯士斫虜營而入內外合勢虜必逃遁歸國矣諸將皆喜曰李刺史之言是也獨杜威謂此計不可用因遣李穀往懷州督辦軍糧穀領命而去消息傳入契丹軍中趙延壽曰使李穀之計得行吾衆必敗矣今遣懷州運糧安從吾營之後經過主公若令精兵斷其糧道絕彼歸路晉衆坐而待斃也契丹王大喜即遣先鋒將蕭翰率百餘騎襲斷晉人歸路蕭翰引騎屯懷州隘出遇見李穀運糧民丁皆棄車驚走糧草盡被蕭翰所奪敗軍走報李穀李穀大驚曰杜公不用吾計糧草被虜敵所掠勢必危矣乃密表奏言大軍危急之勢請陛下駕幸滑州及發諸道兵屯守澶州河陽以備衝突晉主得奏憂憤終日下詔求直言時桑維翰爲開封府尹見國家危在旦夕求見要陳守備之策晉主方在苑中調鷹閑遣辭不得見維翰又請執政官言知執政互爭可否維翰退謂親眷曰晉氏不血食矣邊報日急晉主欲自帥大軍北征李彥韜諫曰陛下親征誰與守社稷耶臣聞千金之子不死於盜賊自愛者重也願陛下深居內禁不可親臨矢石之間晉主乃詔高行周符彥卿共屯澶州景延廣屯河陽以防虜入仍遣使督杜威等用心拒敵詔命既下且看後來何如下回便見

二十



全像前志傳

新刻全像按鑑演義南宋志傳二卷終

